



ახალი ბნათლები

7 - 13 დეკემბერი 2017

ფასი 1 ლარი 70 თეთრი

№37 (791) გააშთის 1998 წლიდან

www.axaliganatleba.ge



ოი მოზახრის განსაკუთრებული სისასტიკით მკვლევობის შესახებ, ხამდენიმე დღეა, მთელი ქაიოველი საზოგადოება შეშფოთებული დავახაქობს. იოგოი მიველით ასეთი ცხაგედიამდე, წლების წინ ხომ „ესაფხოხო სკოლის ჰიოგხამამ“ შედახებით გაანეიქილად სკოლებში შექმნილი ვითახება, ხა შეიყვალა მას შემდეგ და ხაქომ – უახესობისკენ?

ამ კითხვებზე ჰასუებებს ეძებენ დახგის სპეცილისტები, ფსიქოლოგები, პოლიტიკოსები, უქსპეიკები... ზოგს ხა მიანწია მთავახ მიზეზად და ზოგს – ხა, მაგხამ ის, ხომ გახემო, ხომეღშიც ჩვენ ვცხოვრობთ, დაუნდობელი და აგხესიულია, ახავისთვის საქამათო აი აიის, მით უმეტეს, ჩვენი მკითხველისთვის. სერ ხალაც უითი თვის წინ სახალხო დამცველის სკოლების მონიქმიონგის შედეგები გამოვქვეყნეთ. „მდგომახეობა საქამოდ მძიმა ხოგოიყ ფიხიკი, ასევე ფსიქოლოგიური ძალადობის კუთხით“ – ნათქვამია ანგახიშში. თუხიმე მასწავლებლების (მოსწავლეებისაც) დიდი უმხავლესობა ძალადობად სულაც აი მიიჩწევს მოზახრის სიყვივი შეუხაცხეოფას, დამციხებას ელასის წინაშე, ცემას, თავში წამოიქყმას... ანგახიშში მოყვანილ ფაქტებზე კომენტახის გაკეთებისას, განათლების მინისტრის მოადგილე ამბობს, ხომ „მანდატუიის სამსახუიის ფსიქოლოგიური ცენტრი, მეოიე წელია, მასწავლებლებისა და აღმინისტრაციის ნახიმადგენლებისთვის, დესტრუქიული ქვევის იდენტიფიკაციასთან დაკავშირებულ ციენინგებს ატახებს.“ ასევე, მოქმედებს ძალადობის შემთხვევებზე ჰეგოიების მექანიზმი და „ყველა მოსწავლემ, ხომლის სკოლაშიც აიის მანდატუიის სამსახუი, ამავრეოლად, ჰყავს ელასის დამიოგებელი, ზუსტად იცის, თუ ვის ენდა მიმახოთმს ძალადობის შემთხვევაში“. ეჭვი აი გვეჰახება, ხომ მექანიზმებოც შემუშავებელია და ციენინგებოც ატახება, მაგხამ მომხდახი ხომ (სხვა მიზეზებთან უითად) მიღებული ზომების ახაეფექტუიობაზეც მეტყველებს. ხომ ფაქტია, ხომ მოსწავლემ, ხომელზეც ბუღინგი განხოიცილდა, აი იცის ვის მიმახოთმს ან იცის, მაგხამ, სამწუნახოდე, გერშემატეკივახი (დამიოგებელი, მანდატუიი) სკოლაში აი ეგელება. თუმცა, აიის კიდეც უითი ფაქტოი, აიყ თუ ემნიშვნელი – ხოყა მოზახრი „ქეჩიი გაჩიწვით“ საქმის მოგვახებას ანიჭებს უპიხატესობას, ეს კიდეც ცალკე ჰიომბლემაა, ხომლის მოგვახებაზე, ჰიივერ იოგში, განათლების სამინისტრომ ენდა იზიუნოს.

სკოლებში ძალადობა კომპლექსური ჰიომბლემაა და კახგად გვესმის, ხომ მახეო განათლების სისტემისთვის მისი გადაბახლება მხოლოდ თავის მოყეებაა, მაგხამ ვფიქრობთ, ჰიივერ იოგში, სწოიე ჩვენ, ამ სფეიოში მომუშავე აღამიანები ვახი ვადებულნი, სახვეებები სისტემის შიგნით ვეძებოთ და ვიპოვოთ. დამნაშავეებს სამახოთადამცავი მიგანოებები მიხედავენ, იმეღია, სამახოთიანად, თოიემ უსამახოთრო განაჩენის მაგალითებოც ბევიი ვიციოთ.



გამოფანა-ქონვაჩანისი

იკოვით საკუთარი აღბილი არაფორმალურ განათლებაში

ლალი ჯელაძე

კოალიციის „განათლება ყველასათვის – საქართველოს“ ორგანიზებით, 1 დეკემბერს, ექსპო ჯორჯიაში, გამოფენა-კონფერენცია „სკოლა და არაფორმალური განათლება“ გაიმართა, რომლის მიზანი ზოგადი განათლების სფეროში არაფორმალური განათლების შესახებ გამოცდილების გაზიარება და სკოლებთან მომუშავე არაფორმალური განათლების მიმწოდებელთა პრაქტიკის გაცნობა იყო.

„დღევანდელი ღონისძიების მიზანი სკოლის ბაზაზე არაფორმალური განათლების პოპულარიზაციაა, – განაცხადა ირინა ხანთაძემ, კოალიცია „განათლება ყველასათვის – საქართველოს“ გამგებობის თავმჯდომარემ – ვფიქრობთ, რომ არაფორმალური განათლებას შეიძლება ძალიან კარგი შემავსებელი ეფექტი ექნეს და კარგად დაშენდეს ფორმალური განათლების პროგრამებზე, რომელთა სწავლებაც სკოლებში მიმდინარეობს. ზოგადად, ამ თემაზე და იმ ღონისძიებებზე, რომელიც უკვე ხორციელდება სხელმწიფო თუ ცალკეული ინიციატივების დონეზე, უფრო მეტი უნდა ვისაუბროთ, შევავსოთ და ვიზრუნოთ მათ განვითარებაზე. ეს ღონისძიებაც სწორედ ამას ემსახურება.“

გამოფენა-კონფერენციის მუშაობაში, საქართველოს მასშტაბით, 20-მდე ორგანიზაცია იყო ჩართული, რომლებიც არაფორმალური განათლების ხელშეწყობის საქმიანობას ახორციელებენ. მათი საქმიანობის სპექტრი ფართოდ იყო წარმოდგენილი – დანყბული სახელობო განათლებიდან დამთავრებული სამოქალაქო თემბატიკით, მათ შორის: მენარმეობა, ლირებულეობით განათლება, პიროვნულ-კომუნიკაციური უნარები და სხვ. „კარგია, თუ უფრო ეფექტურად გამოვიყენებთ იმ რესურსს, რომელიც დღეს საქართველოში დაგროვდა, საზოგადოებრივი ორგანიზაციების სახით, რომლებიც ბავშვებისთვის, სხვადასხვა მიმართულებით, არაფორმალურ განათლებას ახორციელებენ. ეს ღონისძიება იმასაც ემსახურება, რომ დაინტერესებულ მხარეებს ორგანიზებულად გავაცნოთ არაფორმალური განათლების პროგრამები.“ – აღნიშნა ირინა ხანთაძემ.

გამოფენაში მონაწილე ორგანიზაციებს შორის ერთ-ერთი გახლდათ სათემო ორგანიზაცია „ნუკრიანი“ და მისივე სოციალური სანარმო – „ნუკრიანის სახელოსნოები“. ორგანიზაცია 2005 წლიდან ფუნქციონირებს და 2007 წლიდან აფართოებს საქმიანობას – აარსებს სანარმოს, რომელიც იქვე, ახლომდებარე, ნუკრიანის №1 საჯარო სკოლასთან თანამშრომლობს. „2007 წლიდან, 2010 წლის ჩათვლით, ფაქტობრივად ყველა განათლებას (გოგონებს) ვასწავლიდით ხელსაქმეს. – ამბობს ორგანიზაციის მენეჯერი მაია ბიძინაშვილი, – ამ წლებში სკოლაშივე გვექონდა სახელოსნო და მოსწავლეებს ხელსაქმეს ვასწავლიდით. შემდეგ სკოლიდან ცალკე გადმოვედით და ახლა, მოსწავლეების გარდა, სოფელში მცხოვრებ მსურველებსაც ვემსახურებით. ამ ხნის განმავლობაში, არაფორმალური განათლების კუთხით, საკმაოდ დიდი გამოცდილება დაგვიგროვდა და დღეს ჩვენი მიზანია, ეს გამოცდილება სხვებსაც გავუზიაროთ. ჩვენი მოტივაცია კიდევ უფრო გაიზარდა მას შემდეგ, რაც განათლებისა და მეცნიერების სამინისტრომ ახალი ინიციატივის – „შრომის გაკვეთილების“ დაწესება დაიწყო. თუმცა, ამ მიმართულებით საქმიანობას ჯერ ვერ დაიწყებთ, რადგანაც აკრედიტებული პროგრამა არ გვაქვს. ახლა, სწორედ, პროგრამის ჩამოყალიბებაზე ვმუშაობთ და აკრედიტაციისთვის ვამზადებთ, დაახლოებით, 40-სათიან კურსს, რომელიც, ერთდროულად, გააერთიანებს პროფესიულ განვითარებას, მენარმეობას და ხელსაქმეს. ძალიან კარგი და მნიშვნელოვანი ინიციატივია სამინისტროს მხრიდან, რადგანაც არაფორმალური განათლება ყოველ ფუნქციის ნაბიჯზე, სოცოცხლის ბოლომდე, სჭირდება ადამიანს. შეიძლება სოფლიდან წასულმა ახალგაზრდამ უმადლესი განათლება მიიღოს, შემდეგ დაბრუნდეს სოფელში და აღმოაჩინოს, რომ ხუთი წლის განმავლობაში მიღებული განათლებით – პროფესიით, ვერ დასაქმდა და მისთვის აუცილებელი გახდეს სხვა ხელობის დაუფლება. არაფორმალური განათლება კუთხით სწორედ აქ, ჩვენთან იპოვის საკუთარ ადგილს.“

„ჩართო რაგბში“ – ამ მოწოდებით იყო წარმოდგენილი რაგბის ასოციაცია, რომელიც თბილისის სკოლებში ჯანსაღი ცხოვრების წესის დამკვიდრებას ცდილობს და მათთვის არაკონტაქტური რაგბის ვარჯიშებს ატარებს. გიორგი კაჭარავა, რაგბის ასოციაციის მენეჯერი ამბობს, რომ გამოფენაზე პროპაგანდას გაუწევს სპორტის, ამავე შეიძლება მეტი მოზარდი რომ ჩართოს რაგბში და ამით ხელი შეუწყოს ჯანსაღი ცხოვრების წესის დამკვიდრებას. „ჯერჯერობით, მხოლოდ თბილისის სკოლებს მოვიცავთ, 118 სკოლაში შევდივართ და ვატარებთ ვარჯიშებს, საკმაოდ კარგი დამოკიდებულება ბავშვების მხრიდან. შარშან ჩვენ მიერ ჩატარებულ ფესტივალებში 53-მა სკოლამ მიიღო მონაწილეობა. იმდენად პოპულარული დამოკიდებულება მოსწავლეების მხრიდან, რომ მომავალში რეგიონების ჩართვასაც გვგეგმავთ. გვინდა, რაც შეიძლება მეტი მოზარდი შემოუერთდეს ჯანსაღი ცხოვრების წესს.“

არაფორმალური განათლების გამოცდილების გაზიარებას შეეცადა „ახალგაზრდა პედაგოგთა კავშირი“ გამოფენაზე წარმოდგენილი სტენდით. პროგრამის კოორდინატორმა, ახალგაზრდული კომპონენტის მენეჯერმა, შოთა ჯაბუაძემ ჩვენთან იმ მრავალმხრივ გამოცდილებაზე ისაუბრა, რომელიც ორგანიზაციას წლების განმავლობაში დაუგროვდა. „დღეს აქ იმიტომ შევიკრიბეთ, რომ გამოცდილება გავუზიაროთ ერთმანეთს და არაფორმალური განათლების დასამკვიდრებლად ინოვაციური ხერხები ვეძებთ, – გვითხრა პროგრამის კოორდინატორმა – ჩვენი ძირითადი ორგანიზაცია გურიაშია. ჩვენს სტენდზე გამოვყავთ ნამუშევრები, განხორციელებული პროექტები, რომელსაც წლების განმავლობაში ვაკეთებთ და დამერწმუნებით, ასეთი არც თუ ცოტა გვაქვს – „ლიდერთა სკოლა“, არაფორმალური განათლების ცენტრი, საოჯახო ტიპის სახლი, ხანდაზ-

მულთა სახლი და სოციალური კაფე „მ+1“. არაერთი პროექტი განვახორციელეთ აშშ-ს საელჩოსთან ერთად, გამოვეცი თიგნი – „დამხმარე სახელმძღვანელო ბავშვთა უფლებების სწავლებისთვის“, რომელიც 16 ანიმაციურ რგოლსა და დაგეგმილ გაკვეთილს აერთიანებს. გამოცემასთან ახლავს დისკო. ერთ-ერთ ნარმატებულ პროექტად შეიძლება ჩაითვალოს, ასევე, კაფე „მ+1“, რომელიც სოციალური მენარმეობის საუკეთესო მაგალითია. ჩვენი სავიზიტო ბარათია „ლიდერთა სკოლა“, რომელმაც არაერთი ნარმატებული ადამიანი გაზარდა, მათ შორის შეიძლება დავასახელოთ გიორგი კეკელიძე. გარდა ამისა, გამოვეცი გაზეთი „მ+1“, რომელშიც მოსწავლეების წერილები იბეჭდება, ხოლო გაზეთ „საფეხურებში“ – მასწავლებელთა პუბლიკაციები. დღევანდელ ღონისძიებაზე გვინდა ჩვენი საქმიანობის შესახებ უფრო დეტალურად შეიტყოს საზოგადოებამ, ამ მიმართულებით დაინტერესებულმა ადამიანებმა თუ ორგანიზაციებმა. მეტიც, გვინდა ვიპოვოთ პარტნიორები, საუკეთესო გამოცდილების მქონე ორგანიზაციები, აღმოვაჩინოთ სახსრები, რათა დავარწმუნოთ ყველა, რომ არაფორმალური განათლება არანაკლებ მნიშვნელოვანია ადამიანის ნარმატებისთვის, ვიდრე ფორმალური.“

გამოფენაში მონაწილეობდა 186-ე საჯარო სკოლის მოსწავლეების სამოქალაქო განათლების კლუბი „დედლა“. მათ მიერ განხორციელებული ინიციატივების შესახებ ნინო ბუთხუზი და ბუბა ხუცურაული გვესაუბრნენ. კლუბმა ძალიან საინტერესო პროექტები განახორციელა ორწლიანი არსებობის განმავლობაში, საგრანტო პროექტებიც მოიპოვეს, მერისთანაც აწარმოეს ადვოკატირება და სკოლის მიმდებარე ტერიტორიაზე ზებრა-გადასასვლელი დააბაზინეს. ნინო ამბობს, რომ აქტიურად არიან ჩართულები საქველმოქმედო ღონისძიებებშიც: „თითქმის ყოველთვიურად ვგროვებთ ნივთებს და მიგვაქვს მოხუცთა თავშესაფარში, ასევე ხშირად ვანყობთ დასუფთავების აქციებს“. ბუბა ხუცურაული იმ მასშტაბურ პროექტებზე საუბრობს, რომელსაც კლუბმა ახორციელებს. „უამრავი პროექტი განვახორციელეთ: „მწვანე გარემო“, „უსაფრთხო გზა ქვეითებს“ და სხვ. მათგან რამდენიმე მართლაც მასშტაბური და ძალიან მნიშვნელოვანი იყო. მაგალითად, პროექტი „მოიქეცი ისე, როგორც გინდა, რომ მოგექცენ შენ“ – ეს პროექტი სკოლებში ბულინგის თემას ეხებოდა. პირველ რიგში, გავმართეთ პრეზენტაცია – რა არის ბულინგი, შემდეგ კი დავიწყეთ კვლევა, რომლის ფარგლებშიც თბილისის სხვადასხვა სკოლის 400-მდე მოსწავლე გამოკითხეთ, რა ინფორმაცია ჰქონდათ ბულინგის შესახებ. გამოკითხულ რესპონდენტთა პასუხები შევაჯამეთ და ასეთი სტატისტიკა მივიღეთ – 80-მა პროცენტმა არ იცოდა რა იყო ბულინგი, 73-მა პროცენტმა გვიპასუხა, რომ შესწრებია ფსიქოლოგიური ძალადობის ფაქტს, ხოლო 23 პროცენტს საერთოდ არ ჰქონდა კითხვა პასუხი. ამის შემდეგ ჩავატარეთ, ბულინგის თემაზე, ნახატებისა და ბლოგების კონკურსი, მოვანწყვეთ ფულით ჩვენება-განხილვა. ამავე პროექტის ფარგლებში, ფსიქოლოგებმა ბულინგის პრევენციაზე ტრენინგები ჩატარეს. ვფიქრობთ დღეს ეს ძალიან აქტუალური და მნიშვნელოვანი თემაა და რაც მთავარია, ჩვენი პროექტები სწორედ არაფორმალური განათლების მიმართულებით ხორციელდება, პროგრამის „მომავლის თაობა“ მხარდაჭერით. დღევანდელ ღონისძიებაში ჩვენი მონაწილეობაც არაფორმალური განათლების ხელშეწყობამ განაპირობა.“

არაფორმალური განათლების კონფერენციას უძღვებოდა „კოალიცია განათლება ყველასათვის – საქართველო“, რომელმაც საზოგადოებას, პრეზენტაციის სახით, შესთავაზა საკუთარი ხედვა, როგორია არაფორმალური განათლების როლი ფორმალური განათლების კონტექსტში. „კოალიციამ მოახერხა რამდენიმე ფოკუს ჯგუფი მასწავლებლებისთვის, რომელიც ჩართულები იყვნენ პროგრამაში და მათგან უკუკავშირი ცალსახად დადებითია. მასწავლებლები მიიჩნევენ, რომ არაფორმალური განათლებას სერიოზული როლი უჭირავს ახალგაზრდების განვითარებასა და მათი მომავლის დაგეგმვაში“ – აცხადებენ კოალიციამ.

კონფერენციაზე განათლებისა და მეცნიერების სამინისტროს პროფესიული განათლების დეპარტამენტის პრეზენტაცია მიქცვნიდა ენ. „შრომის გაკვეთილების“ პროგრამას, რომელიც საბილოტე რეჟიმშია და ექსტრაკურსულად სახით შევა სკოლებში, შრომითი სამეწარმეო უნარების განვითარების ხელშეწყობის მიზნით. „შრომის გაკვეთილები“, ამ ეტაპზე, ამავედროულად, ტიპური არაფორმალური განათლების ხელშეწყობა პროგრამასაც წარმოადგენს.

კონფერენციაზე ყურადღება გამახვილდა სამინისტროს მიერ დაწყებული ახალ პროგრამაზე – სკოლის მოსწავლეებში შრომითი უნარების განვითარება, რომელიც ეფუძნება საუკეთესო საერთაშორისო პრაქტიკას. სკოლის ასაკში შრომითი/პროფესიული უნარების გამოშეშავება მნიშვნელოვნად ზრდის მოსწავლეთა მოტივაციას, ხელს უწყობს მათი აკადემიური მიღწევების გაუმჯობესებას და ეხმარება განათლების შემდგომ საფეხურზე ეფექტურ გადასვლაში. სწორედ ამ მიზნით, სამინისტრომ გამოაცხადა კონკურსი საუკეთესო პროექტების გამოსავლენად. კონკურსი საშუალებას აძლევს განათლების ყველა საფეხურის საგანმანათლებლო დაწესებულებას, გაერთიანდნენ და ერთიერთთანამშრომლობის გზით, მოსწავლეების სასკოლო ცხოვრება უფრო საინტერესო და მრავალფეროვანი გახადონ.

სამინისტროს მხრიდან, ასევე, მომზადებულია მეთოდოლოგიური რეკომენდაციების დოკუმენტი, რომელიც დაინტერესებულ საგანმანათლებლო დაწესებულებებს მკაფიო წარმოდგენას შეუქმნის შრომითი უნარების განმავითარებელი აქტივობების მიზნების, განხორციელების გზების, მოსწავლეთა შეფასებისა და სხვა მნიშვნელოვანი საკითხების ირგვლივ. შრომითი უნარების განვითარების პროგრამა ხელს შეუწყობს მოზარდებში შრომითი/პროფესიული უნარების განვი-



თარებას, მათ თვითგამორკვევას, პროფესიული/უმადლესი განათლების პოპულარიზაციასა და ზოგადად, გაზრდის მოტივაციას შემდგომი განათლების მისაღებად.

განათლებისა და მეცნიერების სამინისტრომ კიდევ ერთი პრეზენტაცია გამართა, რომელიც „თავისუფალ გაკვეთილებს“ ეხებოდა. ამ პროგრამაში, რომელიც გასულ წელს განხორციელდა, 800-ზე მეტი სკოლა ჩართო და როგორც კონფერენციაზე აღინიშნა, სწორედ ტიპური არაფორმალური განათლების დანერგვას ემსახურებოდა სკოლების ბაზაზე. „თავისუფალი გაკვეთილები“, ძირითადად, დამატებითი, თემატური, სხვადასხვა სახრით თუ სასემინარო სახით მიმდინარეობდა სკოლებში და საკმაოდ კარგი შედეგებიც დაფიქსირდა.

„ზოგადად, არაფორმალური განათლება მეტად უნდა იყოს აღიარებული და სასურველია, კონცეფცია ცალკე შემუშავდეს სახელმწიფო დონეზე“ – აცხადებს განათლებისა და მეცნიერების ზოგადი განათლების მართვისა და განვითარების დეპარტამენტის უფროსი ლალი ჯელაძე. – რაც შეეხება სკოლის შემდგომ აქტივობებსა და ექსტრაკურსულ აქტივობებს, ბუნებრივია, ეს სამინისტროს ერთ-ერთი პრიორიტეტია – ფორმალურ განათლებასთან ერთად, მოსწავლეები არაფორმალურ სივრცეში და არაფორმალურ გარემოში დაკავდნენ დამატებითი აქტივობებით. დღევანდელი კონფერენცია უზუსტად ამას ემსახურება. რეალურად უნდა ვნახოთ, საქართველოში, ბაზარზე რა მოთხოვნებია, რომელი ორგანიზაცია რას აწარმოებს და როგორ შეიძლება დავაყაროთ ურთიერთობა ამ ორგანიზაციებსა და სკოლებს შორის, ასევე, მაქსიმალურად ჩავერთოთ მოსწავლეები აქტივობებში.“

ამ ეტაპზე, 900-მდე სკოლაში, სამინისტროს დაფინანსებით, დამატებითი სრეებია შექმნილი და დანარჩენი სკოლები ცდილობენ მაქსიმალურად მეტი ფართი გასცენ იჯარით, რომ მოსწავლეები, გაკვეთილების შემდეგ, დაკავდნენ ხელოვნებით, სპორტით და ა.შ. თბილისში, ძირითადად, ყველა სკოლის ბაზაზეა შექმნილი დამატებითი სრეები, რეგიონებში კი, სამინისტრო ცდილობს დააფინანსოს მსგავსი პროექტები, განსაკუთრებით სოფლის და მალაღმთიან რეგიონებში მცხოვრები ბავშვების კლასგარეშე აქტივობები.“

კონფერენციაზე მონაწილე იყო თბილისის მერიის განათლების სამსახურის წარმომადგენელი გიორგი ჩიქოვანი. მან ისაუბრა იმ პოლიტიკაზე, რომელსაც მერია, არაფორმალური განათლების კუთხით, აწარმოებს, მიმოიხილა ასევე ზოგადსაგანმანათლებლო, შემეცნებითი და ინკლუზიური განათლების ხელშეწყობის პროექტები. ცალკე გამოყო მოსწავლე-ახალგაზრდობის ეროვნული სასახლის მიერ განხორციელებული პროგრამები, რომლებიც თავისუფალი დროის გონივრულ გამოყენებასა და სკოლისშემდგომ განათლებას უწყობს ხელს. „ჩვენთვის ძალიან სასიხარულოა, რომ თბილისის მერია, უკვე რამდენიმე წელია, აქტიურად ცდილობს ამ სფეროს მხარდაჭერას და სხვადასხვა არაფორმალური განათლების პროგრამების ხელშეწყობას, თბილისის მასშტაბით. საინტერესოა მათი ხედვა სკოლაზე დაფუძნებული არაფორმალური განათლების პროგრამებთან დაკავშირებით.“ – ამბობს ირინა ხანთაძე.

კონფერენციაში მონაწილეობა მიიღეს მასწავლებლის ეროვნული ჯილდოს ფინალისტებმა: ვლადიმერ აფხაზავამ, ეკატერინე ნულუკიძემ და ნათია ფურცელაძემ, რომლებმაც საკუთარი გამოცდილება გაუზიარეს კოლეგებს არაფორმალური განათლების კუთხით და კონკრეტული პროექტების შესახებ ისაუბრეს. „დღევანდელ ღონისძიებაში მონაწილეობის მთავარი მიზანია, ჩვენ მიერ განხორციელებული პროექტების მაგალითზე, საზოგადოებას გაუზიაროთ გამოცდილება, როგორ ვიყენებთ არაფორმალურ განათლებას სწავლების პროცესში“ – გვითხრა ვლადიმერ აფხაზავამ. ეკატერინე ნულუკიძემ კი არაფორმალური განათლება სოფლის სკოლებისთვის განსაკუთრებით მნიშვნელოვნად მიიჩნია: „ჩემი პრეზენტაცია, ბუნებრივია, არაფორმალური განათლებას და მის მნიშვნელობას ეხება. ჩემი ინიციატივით ფუნქციონირებს სოციალური სანარმო „მზეკო“, რომელიც თივალისწინებს: ქალების დასაქმებას, სამუშაო ადგილების გაჩენას და ახალგაზრდებისთვის შრომითი და მენარმეობის უნარების განვითარებას. პროექტის ფარგლებში, შევქმენით სანარმო, სადაც ახალგაზრდებს შეეძლოთ ენსავლათ ხელსაქმე, მატყლის დამუშავება, ქეჩაზე მუშაობა. მთელი ზაფხულის განმავლობაში ისინი სწავლობდნენ და ქმნიდნენ პროდუქციას – სამკაულებს, აქსესუარებს და სუვენირებს. მათი რეალიზების შედეგად შემოსული თანხის ნაწილი ბავშვებს ანაზღაურების სახით მიეცით, ნაწილს კი ისევ ძისალებს შექმნის გახმარდა. ჩემი მიზანია, დღეს კიდევ ერთხელ განვახადო, თუ რა მნიშვნელობა აქვს მსგავსი პროექტების განხორციელებას სოფლის სკოლებისთვის და ახალგაზრდებისთვის.“

ახალი ახგაბი

სემინარი დუალური განათლების დაფინანსების საკითხებზე



საქართველოს განათლების და მეცნიერების სამინისტროსა და ევროპის განათლების ფონდის (ETF) ორგანიზებით, „სამუშაოზე დაფუძნებული/დუალური სწავლების დაფინანსების“ თემაზე, სემინარი გაიმართა.

სემინარის მიზანი იყო სამუშაოზე დაფუძნებული - დუალური განათლების დაფინანსების მოქნილი მექანიზმებისა და დამსაქმებელთა წახალისების სხვადასხვა მოდელების განხილვა. შეხვედრის ფარგლებში, დაიგეგმა სამომავლო პარტნიორობის გაღრმავება ევროპის განათლების ფონდთან (ETF) სამუშაოზე დაფუძნებული დუალური განათლების საკითხებზე. საერთაშორისო ექსპერტებმა დუალურ განათლებაში კერძო სექტორის ჩართულობის მნიშვნელობაზე ისაუბრეს.

სემინარს ესწრებოდნენ საქართველოს განათლებისა და მეცნიერების სამინისტროს, პროფესიული საგანმანათლებლო დაწესებულებების, კომპანიებისა და საერთაშორისო დონორი ორგანიზაციების წარმომადგენლები.

ირინა წეროძე, პროფესიული განათლების განვითარების დეპარტამენტის უფროსი: „განათლებისა და მეცნიერების სამინისტრო მასშტაბურად მნიშვნელოვან ღონისძიებას, რომელიც ეხება, აღმოსავლეთ პარტნიორობის ქვეყნების პლატფორმის ფარგლებში, ETF-ის დახმარებას, რომელიც გულისხმობს სამუშაოზე დაფუძნებული სწავლების დაწესებულებების აღმოსავლეთ პარტნიორობის ფარგლებში. განსაკუთრებული მნიშვნელობა ენიჭება დაფინანსების სქემას და დღევანდელი შეხვედრის მიზანი სწორედ საუკეთესო პრაქტიკის გაზიარებაა, რომელიც ამ ქვეყნებში არსებობს.“

ევროპის განათლების ფონდი - ETF ეხმარება საქართველოს პროფესიული განათლების სისტემას, ტექნიკურ დახმარებას უწევს ისეთი მნიშვნელოვანი საკითხების განხორციელებისთვის, როგორცაა: ხარისხის უზრუნველყოფა, სამუშაოზე დაფუძნებული სწავლების სისტემური და ინსტიტუციური დაწესებულება. ჩვენი პარტნიორები სხვადასხვა ქვეყნიდან, საერთაშორისო ორგანიზაციების წარმომადგენლები ვიზიტირებენ იმ მნიშვნელოვან ინფორმაციას, რომელიც საქართველოში დაფინანსების მექანიზმებისა და სხვადასხვა მოდელების დაწესებულებას ეხება.“

ტიმო კუსალა, ETF-ის წარმომადგენელი: „დღეს ვესწრებით ვორკშოპს, რომელიც ETF-ის რეგიონული პროექტის ფარგლებში ტარდება. პროექტის მიზანია, გავიგოთ, რა შესაძლებლობები და გამოწვევები სხვადასხვა ქვეყნებში, სამუშაოზე დაფუძნებული სწავლების მიმართულებით. ასევე, განვიხილავთ კერძო სექტორისა და პროფესიული განათლების დაკავშირების შესაძლებლობას, სამუშაოზე დაფუძნებული სწავლების დაწესებულების გზით.“

დღევანდელ ვორკშოპზე ვისაუბრეთ დაფინანსების შესაძლებლობებზე, ასევე, კერძო სექტორისთვის იმ პირობების შექმნაზე, რომელიც უზრუნველყოფს მათ, დაასაქმონ პროფესიული განათლებამიღებული სტუდენტები. ადგილობრივი შემთხვევებისა და პრაქტიკის საფუძველზე, გავაანალიზეთ რა მდგომარეობა ქვეყანაში ამ მიმართულებით და რა სარგებელი შეიძლება მოუტანოს საქართველოს საერთაშორისო გამოცდილებამ.“

ახალი სასწავლო კორპუსი ხაშურში

გაიხსნა ხაშურის პირველი საჯარო სკოლის ახლად რეაბილიტირებული სასწავლო კორპუსი, რომელთაც 475 მოსწავლე ისარგებლებს. თანამედროვე სტანდარტების შესაბამისი შენობა აღჭურვილია საჭირო ინვენტარით და ადაპტირებულია შეზღუდული შესაძლებლობის მქონე პირებისთვის, მოეწყო: სპორტ-დარბაზი, რესურსთაბი, თანამედროვე სტანდარტების ბუფეტი და საკლასო ოთახები, სადაც სასწავლო პროცესი, ძირითადად, დაწყებითი კლასების მოსწავლეებისთვის წარმართება.

აღსანიშნავია, რომ ხაშურის პირველ სკოლას კულტურული მემკვიდრეობის უძრავი ძეგლის სტატუსი აქვს და იგი ამ მხრივ მნიშვნელოვანი დატვირთვის მატარებელია. 2016 წელს სკოლას 100 წელი შეუსრულდა და კორპუსის გახსნა სკოლის 100 წლის იუბილეს დაემთხვა.

ღონისძიებას დაესწრნენ და მოსწავლეებს, პედაგოგებსა და საზოგადოებას იუბილეს და განახლებული კორპუსის გახსნა მიულოცეს: საქართველოს განათლებისა და მეცნიერების მინისტრის მოადგილემ, ლია გიგაურმა; საქართველოს პარლამენტის განათლების, მეცნიერებისა და კულტურის კომიტეტის თავმჯდომარემ, მარიამ ჯაშმა; ხაშურის მაჟორიტარმა დეპუტატმა, სიმონ ნოზაძემ; შიდა ქართლის მხარეში სახელმწიფო რწმუნებულ-გუბერნატორმა, კახა სამხარაძემ; ხაშურის მუნიციპალიტეტის მერმა, გიორგი გურასაშვილმა; ხაშურის მუნიციპალიტეტის საკრებულოს თავმჯდომარემ, მიხეილ ჯანაშვილმა; ხაშურის საგანმანათლებლო რესურს-ცენტრის ხელმძღვანელმა, ზვიად გოგუაძემ; სკოლის მეგობართა სახელით, დამსწრე საზოგადოებას მიმართა იოსებ ლომთათიძემ; სკოლის დირექტორმა, მორის დანდურიშვილმა სტუმრებს ახლად გარემონტებული საკლასო ოთახები და ათვალისწინებინა.

კულტურული მემკვიდრეობის უძრავი ძეგლის სტატუსის მქონე სასწავლო კორპუსის სრული რეაბილიტაცია სსიპ საგანმანათლებლო და სამეცნიერო ინფრასტრუქტურის განვითარების სააგენტომ განახორციელა. სარემონტო სამუშაოები 4 თვე მიმდინარეობდა, პროექტის ბიუჯეტი 361775.53 ლარითაა განსაზღვრული.

ლია გიგაური: „ახსლოვანი იუბილის დღეს ვაგვხვნი ახალი, რეაბილიტირებული შენობა, რომელიც სახელმწიფოს 400 ათას ლარამდე დაუჯდა. მოსწავლეები, რომლებმაც დღეს აქ შემოაბიჯეს, ისწავლიან ძალიან კომფორტულ, ღამაზ გარემოში. ასეთ გარემოში შეუძლებელია მოტივაცია არ ჰქონდეს თითოეულ მოსწავლეს თუ მასწავლებელს.“

მარიამ ჯაში: „სასწავლო გარემო უაღრესად მნიშვნელოვანია ბავშვების აკადემიური მოსწრებისთვის და ბუნებრივია, რეფორმების პროცესში, ინფრასტრუქტურის შემდგომ გაუმჯობესებას დაეთმობა მნიშვნელოვანი ყურადღება.“



არაფორმალური განათლების პირველი საერთაშორისო კონფერენცია



განათლების, მეცნიერებისა და კულტურის კომიტეტის თავმჯდომარე მარიამ ჯაში მოსწავლე ახალგაზრდობის ეროვნულ სასახლეში არაფორმალური განათლების პირველ საერთაშორისო კონფერენციას დაესწრო.

როგორც მან აღნიშნა, თბილისის მოსწავლე ახალგაზრდობის სასახლე, 76-წლიანი ისტორიით, ერთ-ერთ უმნიშვნელოვანეს კულტურულ-საგანმანათლებლო ცენტრად ჩამოყალიბდა: „ამ კედლებში არაერთი თაობა აღიზარდა და დღესაც, 4500-ზე მეტი ახალგაზრდის ჩართულობით, სასახლე არაფორმალური განათლების წამყვან ცენტრად რჩება. ტრადიციული მუსიკალური, თეატრალური, ქორეოგრაფიული, კინო-კლუბისა და სასკოლო დისციპლინების გარდა, სასახლეში ვითარდება ახალი ნრეები, რომლებიც ჩვენს მომავალ თაობას თანამედროვე სამყაროსათვის აუცილებელი ცოდნის შექმნის შესაძლებლობას სთავაზობს.“

ტრადიციულად, სასახლეში უამრავი სიახლე იწვევება, მათ შორის, საბანკო და ბიზნესის მიმართულებით განათლება, რაც უაღრესად მნიშვნელოვანია თანამედროვე სამყაროში ახალგაზრდების მოსამზადებლად. „ჩვენ სასახლის განვითარების ახალი ეტაპის მომსწრენი ვართ, რისთვისაც მადლობას ვუხდით ქალბატონ თია რუხაძეს და მთელ კოლექტივს, თითოეულ პედაგოგს“, - განაცხადა მარიამ ჯაშიმ.

მან მიმოიხილა არაფორმალურ განათლებასთან დაკავშირებით არსებული მდგომარეობა და საზოგადოებას გააცნო, თუ რა შეიძლება გაკეთდეს არაფორმალური განათლების კიდევ უფრო მეტად განვითარებისთვის. „საქართველოს დამოუკიდებლობის 25 წლის მანძილზე საკმაოდ მრავალფეროვანი გახდა არაფორმალური განათლება როგორც სტრუქტურით, ასევე უწყებრივი დაქვემდებარებით. დღეს არაფორმალური განათლების ცენტრები სხვადასხვა სამინისტროს, მუნიციპალიტეტებს ექვემდებარებიან ან მოქმედებენ დამოუკიდებლად, რაც არათანაბარ შესაძლებლობებს ქმნის ბავშვებისათვის.“

კომიტეტის თავმჯდომარემ იმაზეც ისაუბრა, როგორი უნდა იყოს არაფორმალური განათლების სისტემა, დაფინანსება და გადასახადები ოჯახებისთვის: „პირველ რიგში, ვფიქრობ, განათლების სამინისტროსთან ერთად, უნდა განისაზღვროს ერთიანი ეროვნული კონცეფცია, მიზნები, სტრუქტურა და პრიორიტეტული მიმართულებები. ეროვნულ დონეზე უნდა მოხდეს არაფორმალური სახელოვნებო, სპორტული თუ სოციალური განათლების მეთოდოლოგიის შეჯერება, რომ მეტნაკლებად სანდო და თანაბარი ხარისხის განათლება მივაწოდოთ ბავშვებს, ქვეყნის მასშტაბით. თბილისში, ვფიქრობ, ერთიანი მეთოდოლოგიური ცენტრის ფუნქცია შეიძლება სწორედ მოსწავლე ახალგაზრდობის ცენტრმა იტვირთოს. შესაძლოა, ეროვნულ დონეზე კი, თუმცა ეს შემდგომი განხილვის საკითხია.“

მას მიაჩნია, რომ წარმატებული რეფორმებისთვის უაღრესად მნიშვნელოვანია პარტნიორი ორგანიზაციების (გაეროს, OECD, Aflaton International) და ქვეყნების გამოცდილების გაზიარება არაფორმალურ განათლებასთან დაკავშირებით.

„გადასტურებთ პარლამენტის განათლების, მეცნიერებისა და კულტურის კომიტეტის მზაობას, მაქსიმალურად ხელი შევეწყობთ არაფორმალური განათლების სისტემის რეგულაციების შემუშავებასა და კანონმდებლობის აღსრულების მონიტორინგს“, - მიმართა მარიამ ჯაში კონფერენციის მონაწილეებს.

საოქროლო გაკვეთილი

მათემატიკის ერთი გაკვეთილის შესახებ

ყველა მასწავლებლის მოვალეობაა ეროვნული სასწავლო გეგმის საგნის მიზნების და ამოცანების შესრულება. სწავლების მიზნები მრავალფეროვანია და ცხადია, ყველა მათგანის მიღწევა ერთი კონკრეტული გაკვეთილის (აქტივობის) ფარგლებში შეუძლებელია. მათემატიკის სწავლების მიზნებიდან განსაკუთრებით მინდა გამოვიყო შემდეგი:

- მსჯელობა-დასაბუთება: ვარაუდის გამოთქმა და კერძო შემთხვევებში მისი კვლევა;
- პრობლემების გადაჭრა: კომპლექსური (რთული) პრობლემის საფეხურებად, მარტივ ამოცანებად დაყოფა და ეტაპობრივად გადაჭრა (ამოხსნა), მათ შორის, სტანდარტული მიდგომებისა და პროცედურების გამოყენებით.

ორივე მიზნის მიღწევა გულისხმობს ისეთი გაკვეთილის დაგეგმვას და ჩატარებას, რაც, პირველ რიგში, მოსწავლეების კვლევითი უნარების განვითარებას უწყობს ხელს. ასეთი ტიპის უნარების ეფექტურად განვითარება კონსტრუქტივისტული გაკვეთილების დაგეგმვით და ჩა-

ტარებით ხდება. მინდა გაგიზიარო ჩემ მიერ ჩატარებული ერთი გაკვეთილი, რომელიც მიზნად ისახავდა კვლევითი უნარების განვითარებას მათემატიკაში.

სკოლაში („ევროპული სკოლა“), რომელშიც მათემატიკას ვასწავლი, ფუნქციონირებს საერთაშორისო ბაკალავრიატის პროგრამა. პროგრამა გამოირჩევა ბევრი საინტერესო რამით და განსაკუთრებით თავისი შეფასების სისტემით. შეფასებით მონმდება ოთხი უნარი:

- A – ფაქტობრივი ცოდნა;
- B – კვლევითი და კანონზომიერების აღმოჩენის უნარი;
- C – კომუნიკაცია და მათემატიკური ენის გამოყენების უნარი;
- D – რეალური პრობლემის გადაწყვეტის (ამოხსნის) უნარი.

ჩემ მიერ ჩატარებული გაკვეთილის მიზანი იყო B – კვლევითი და კანონზომიერების აღმოჩენის უნარის შემოწმება მოსწავლეებში. ქვემოთ წარმოვადგენ გაკვეთილის გეგმას და მის ანალიზს.

წინა ტოლობაში ფესვიანი გამოსახულება ისევე X-ით და მასადაამე, გვექნება:

$$X^2 - 2 + X$$

ანუ, მივიღეთ კვადრატული განტოლება, იპოვეთ მისი ერთ-ერთი ფესვი. აქ პასუხებმა არ დააყოვნა და მიიღეს 2-ანი. მასწავლებელმა დაამატა – დაუკავშირეთ მიღებულს თქვენი წინასწარმეტყველება და მიღებული პასუხი. მოსწავლეებმა ადვილად დაასკვნეს, რომ მათი ვარაუდი ალგებრულად დამტკიცდა.

ახლა მოვიდა დრო ამ შედეგის განზოგადების 3-ანისთვის. როგორც რეფლექსიაში დავწერე, ეს ნაწილი თითქმის ყველას გაუჭირდა, ტიპური შეცდომა იყო, 2-ანის ნაცვლად, დაწერეს 3-ანი:

$$X^2 = 3 + \sqrt{3 + \sqrt{3 + \sqrt{3 + \sqrt{3 + \dots}}}}$$

ჩემი მიზანი იყო მეჩვენებინა მათთვის, სად იყო შეცდომა. მოსწავლეებმა იგივე ახლა უკვე მარტივად შეძლეს და დაწერეს:

$$X^2 = 3 + X$$

ამოხსნის შემდეგ მათ ვერ მიიღეს ამ განტოლების ამოხსნა – 3-იანი. მე მივმართე მათ: დაუკვირდით, სად არის თქვენი შეცდომა? აქ დამეხმარა ერთი მოსწავლე და თქვა X უნდა იყოს 3-იანი. ცხადია, ეს მთავარი მიგნებაა და ჩემი დახმარებით დაწერა შემდეგი:

$$X^2 = ? + \sqrt{? + \sqrt{? + \sqrt{? + \sqrt{? + \dots}}}}$$

$$X^2 = ? + X$$

ჩემი შემდეგი შეკითხვა: რა უნდა ჩავსვათ უკანაქანელში X-ის ნაცვლად?

პასუხებმა აქაც არ დააყოვნა – 3-იანი, და გვექნება:

$$3^2 = ? + 3$$
$$? = 6$$

ანუ მივიღეთ:

$$X = \sqrt{6 + \sqrt{6 + \sqrt{6 + \sqrt{6 + \sqrt{6 + \dots}}}}}$$

ე.ი. 3-ანის წარმოდგენა უსასრულო ფესვებით. შემდეგი – ბოლო ნაბიჯი ძალზე საინტერესო იყო მოსწავლეებისათვის – თავად დასვეს კითხვები და გახარებულები მარტივად მივიდნენ ნებისმიერი რიცხვის უსასრულო ფესვების წარმოდგენამდე:

$$X^2 = ? + \sqrt{? + \sqrt{? + \sqrt{? + \sqrt{? + \dots}}}}$$

$$X^2 = ? + X$$

$$a^2 = ? + a$$

$$? = a^2 - a$$

$$a = \sqrt{a^2 - a + \sqrt{a^2 - a + \sqrt{a^2 - a + \sqrt{a^2 - a + \sqrt{a^2 - a + \dots}}}}}$$

გაკვეთილის დასრულებისას, მოსწავლეები კმაყოფილი და გახარებული იყვნენ იმით, რომ პატარა, მაგრამ მათთვის ახალი ფაქტი აღმოაჩინეს. გაკვეთილი დავასრულე მოსწავლეთა თვითშეფასებით. ჩემთვის სასიამოვნო იყო იმის მოხმენა, რომ მოსწავლეებს მოსწონთ ამ მეთოდით ჩატარებული გაკვეთილები.

პეტრა ბაბილუა
„ევროპული სკოლის“ მათემატიკის
მენტორი მასწავლებელი

სიზუსტით. მოსწავლეთა 80%-მა ასევე წარმატებით გაართვა თავი მეორე დავალებას, რაც, თავის მხრივ, გულისხმობდა პირველ დავალებაზე დაკვირვებას და დასკვნის გაკეთებას. შედარებით რთული აღმოჩნდა მესამე დავალება – მას თავი გაართვა მოსწავლეთა 40%-მა, რაც მოითხოვდა სათანადო ცოდნის გამოყენებას განტოლებებზე და ფესვებზე. მოსწავლეთა მხოლოდ 2%-მა უპასუხა მეოთხე დავალებას და მხოლოდ ერთმა მოსწავლემ შეძლო მეხუთე დავალების შესრულება. ანალიზი ცხადყოფს, რომ მოსწავლეებს უჭირთ ამ ტიპის დავალებების შესრულება, ვინაიდან ყოველდღიურ სწავლებაში ისინი, ძირითადად, აქცევენ ყურადღებას უფრო ფაქტობრივ ცოდნას. ამ გაკვეთილის შემდეგ უკვე ერთად (აქ მასწავლებელი შემოიფარგლა მხოლოდ მითითებებით და კითხვების დასმით) გავარჩიეთ და გავანალიზეთ მიღებული შედეგები. მოსწავლეებმა გამოთქვეს მოსაზრება ასეთი ტიპის დავალებების უფრო ხშირად შესრულებაზე.

- გამოყენებული ლიტერატურა:**
1. ეროვნული სასწავლო გეგმა 2011-2016
 2. Mathematics guide from 2014, MYP International Baccalaureate

გაკვეთილის გაგრძელება (45წთ.)

რეფლექსიამ ცხადყო, რომ გაკვეთილს, თავიდან დასაბუთებულ მიზნის მისაღწევად, სჭირდება გაგრძელება. ჩვენ თავში აღვნიშნეთ, რომ მიზანი იყო კვლევითი უნარ-ჩვევის განვითარება. აქ ორი ძირითადი პრობლემაა: პირველი – ისეთი დავალების აქტივობების მოფიქრება, რაც ხელს უწყობს მოსწავლეებში სწორედ კვლევითი უნარების განვითარებას და მეორე – ამ დავალების განსაზღვრული მიზნის მიღწევა. პირველ გაკვეთილში სწორედ პირველი პრობლემა გადაწყვეტილი და მოფიქრებულია ისეთი ტიპის დავალებები, რომლებიც მოსწავლეებში კვლევით უნარებს ანივთარებს. რაც შეეხება მეორე პრობლემას, სწორედ გაკვეთილის გაგრძელება ემსახურება ამ მიზანს. როგორც თავში აღვნიშნე, ჩემთვის ამოსავალი იყო კონსტრუქტივისტული მიდგომა, რადგანაც კონსტრუქტივისტული თეორიის მიხედვით აგებული გაკვეთილი, სწორედ რომ, ყველაზე უკეთ კვლევით და პროექტულ სწავლებას უწყობს ხელს. მაშ, ახლა გადავიდეთ იმ ნაწილზე, თუ როგორ, რა კითხვებით და მიდგომებით შევამოებინოთ მოსწავლეებს ყველა დავალების შესრულება.

გაკვეთილი იწყება მასწავლებლის შეკითხვით: რა პასუხები მივიღებთ პირველ დავალებაში?

მოსწავლეებმა გამაცნეს მათ მიერ მიღებული პასუხები, აბსოლუტური უმრავლესობა ერთმანეთს დაემთხვა და გამოიკვეთა შემდეგი:

- ა) $\sqrt{2} = 1.144214$
- ბ) $\sqrt{2 + \sqrt{2}} = 1.847759$
- გ) $\sqrt{2 + \sqrt{2 + \sqrt{2}}} = 1.961570$
- დ) $\sqrt{2 + \sqrt{2 + \sqrt{2 + \sqrt{2}}}} = 1.990369$
- ე) $\sqrt{2 + \sqrt{2 + \sqrt{2 + \sqrt{2 + \sqrt{2}}}}} = 1.997590$

აქვე მინდა დავამატო, რომ რამდენიმე მოსწავლეს შეექმნა ტექნიკური პრობლემა კომპიუტერთან, პროგრამის გამოყენებასთან დაკავშირებით, მაგრამ თავად მოსწავლეები დაეხმარნენ მათ.

შემდეგი შეკითხვა იყო: რას ფიქრობდნენ ისინი მიღებული პასუხებიდან გამომდინარე?

მოსწავლეებმა შენიშნეს, რომ მიღებული პასუხები იზრდებოდა, არ აღემატებოდა 2-ს.

აქვე გაცხეს პასუხი მეორე დავალებას და X-ის მნიშვნელობად 2-იანი ივარაუდეს.

შემდეგ დავამატე მასწავლებლის შეკითხვა: ეს ხომ მიახლოებითი გამოთვლებაა, რა იცით, რომ იქნება 2-იანი? ისინი დაფიქრდნენ და შენიშნეს, ალბათ, ამის გასაღები იქნება შემდეგი ნაბიჯი. ვუთხარი, რომ კარგი შენიშვნა იყო და დავუსვი შეკითხვა: აბა, რას ფიქრობთ, რას გვთხოვენ მესამე დავალებაში და რა უნდა გავაკეთოთ?

ერთმა მოსწავლემ თქვა – საწყისი ტოლობა უნდა გადავწეროთ განტოლების სახით X-ის ტერმინებში. სხვებმა თავად დასვეს შეკითხვა: როგორ, ეს ხომ უსასრულო პროცესია?

თავად მოსწავლეების პასუხი: ორივე მხარე ავიყვანოთ კვადრატში და სწორედ უსასრულობა გვიშველისო.

$$X^2 = 2 + \sqrt{2 + \sqrt{2 + \sqrt{2 + \sqrt{2 + \dots}}}}$$

კლასი: მე-10
საგანი: მათემატიკა
დრო: 45 წუთი
მიზანი: მოსწავლეებში კვლევითი და კანონზომიერებების აღმოჩენის უნარების განვითარება. ეს-გ-ს მიხედვით მათ.X.3, მათ.X.4, მათ.X.7.

გაკვეთილის თემა: უსასრულო კვადრატული ფესვები
წინარე ცოდნა: მოქმედებები რადიკალებზე, ტექნოლოგიების გამოყენება გამოთვლებში, კვადრატული განტოლების ამოხსნა

რესურსები: პერსონალური კომპიუტერი საოფისე პროგრამებით, ფურცელი, კალამი

გაკვეთილის სცენარი: გაკვეთილი იწყება წინარე ცოდნის გააქტიურებით და ინსტრუქციის მიცემით დავალების შესასრულებლად (8წთ.)

შემდეგ უკვე მოსწავლეებს ურიგდება შემდეგი დავალება (30წთ.):

$$X = \sqrt{2 + \sqrt{2 + \sqrt{2 + \sqrt{2 + \sqrt{2 + \dots}}}}}$$

გამოსახულება წარმოადგენს უსასრულო კვადრატული ფესვის მაგალითს. ზოგიერთი უსასრულო კვადრატული ფესვი შეიძლება ჩანერგილი იქნეს მთელი რიცხვის სახით.

შეასრულეთ ქვემოთ მოცემული დავალებები:

1. გამოიყენეთ ტექნოლოგიები და გამოთვალეთ მძიმის შემდეგ ექვსი ციფრის სიზუსტით:

- ა) $\sqrt{2}$
- ბ) $\sqrt{2 + \sqrt{2}}$
- გ) $\sqrt{2 + \sqrt{2 + \sqrt{2}}}$
- დ) $\sqrt{2 + \sqrt{2 + \sqrt{2 + \sqrt{2}}}}$
- ე) $\sqrt{2 + \sqrt{2 + \sqrt{2 + \sqrt{2 + \sqrt{2}}}}}$

2. გააგრძელე ეს პროცესი და იწინასწარმეტყველე X-ის მნიშვნელობა;

3. გამოიყენე განტოლებები და იპოვე X-ის მნიშვნელობა (მითითება: X^2 გამოსახე X-ის საშუალებით);

4. გამოიყენე დავალება 3-ში მიღებული შედეგი და იპოვე უსასრულო კვადრატული ფესვებით 3-ის წარმოდგენა;

5. როგორ შეიძლება განზოგადდეს მიღებული შედეგი ნებისმიერი რიცხვის უსასრულო ფესვების წარმოდგენისათვის. ამის შემდეგ ვისმენ და ვაჯამებ მოსწავლეების მიერ გამოთქმულ მოსაზრებებს (76წთ.).

შეფასება: მოსწავლეთა ნამუშევრებს ვაფასებ შემდეგი კრიტერიუმების მიხედვით:

ქულა	აღწერა
0	მოსწავლე ვერ ასრულებს ვერც ერთ დავალებას.
1-3	მოსწავლეს შეუძლია: მიჰყვეს ინსტრუქციას, მასწავლებლის დახმარებით იყენებს მათემატიკურ ცოდნას მარტივი კანონზომიერების დასადგენად; გააკეთოს შესაბამისი მარტივი წინასწარმეტყველებები.
4-5	მოსწავლეს შეუძლია: გამოიყენოს მათემატიკური ცოდნა კანონზომიერების დასადგენად; გამოთქვას ვარაუდები თუ როგორ შეიძლება იმუშაოს ამ კანონზომიერებამ.
6-9	მოსწავლეს შეუძლია: გამოიყენოს მათემატიკური ცოდნა კანონზომიერების დასადგენად; ამ კანონზომიერებაზე დაყრდნობით წინასწარმეტყველებების გაკეთება; მიღებული შედეგების განზოგადება.
10	მოსწავლე ასრულებს ყველა დავალებას, აკეთებს სწორ დასკვნებს, აკეთებს ზუსტ წინასწარმეტყველებას, აზოგადებს მიღებულ შედეგს, აფასებს მიღებულ შედეგებს.

რეფლექსია: ჩატარებული გაკვეთილის ანალიზმა მომცა გარკვეული დასკვნების გამოტანის საშუალება. კერძოდ, მოსწავლეების 95%-მა თავი გაართვა პირველ დავალებას, რაც გულისხმობდა გამოთვლების შესრულებას გარკვეული

საუბრაბი ლიტერატურაზე

რატომ „უპატარავდებათ“ სახლები აღამიანებს?

იბადება... იზრდება... სიცოცხლე თითოეულ უჯრედში უბევრდება და დნმ-ს უშენებს. ვერაფერი ამოშლის და ვერაფერი გააქრობს ატომის სიხარულს – დაბადების აღმადგინებს. და მაინც, როდის იბადება აღამიანი? როცა დედის ბნელი წიაღიდან გამოაძევენ მღვრიე ტალღები თუ მაშინ, როცა ცხოვრების დუჟმოდგარი ნაკადები ვარიაციებს სხვა პლანეტაზე. იქ, იმ პლანეტაზე მარტო რჩება პატარა უფლისწულივით. მარტოთენილი იწყებს ძიებას და აქ იწყება ზუსტად დაბადება. გამოირიყული, თავიდან დაზაფრული, მერე კი თვალახელივით, ეძებს მას, საზრისს, ოღონდ ახლა ხელის ცეცებით კი არა, არამედ ზემხედველი თვალით ხვდება ჭეშმარიტებას დიდი დაბადების მდინარის მცირე ნაკადულში.

შეიძლება დაიბადო მხედველობისა და სმენის გარეშე ან განუვითარებელი რეცეპტორებით, მაგრამ შეუძლებელია დაიბადო ინტუიციის გარეშე! ყველა, გამონაკლისის გარეშე, იბადება მეექვსე გრძნობით – ინტუიციით.

სწორედ ინტუიციის უბიძგებს აღამიანს დატოვოს „მყუდრო სამყოფელი“ (პაოლო იაშვილი – „წერილი დედას“) და დაადგეს საკუთარი თავის ძიების გზა. სახლი საწყისი წერტილია, აღამიანის არსებობის საფუძველი, თავშესაფარი დალილი სულებისა. ამავე დროს, სწორედ სახლიდან იწყება აღამიანის ფენიქსური განახლება.

სახლის თემა მნიშვნელოვანია ნებისმიერ მხატვრულ სისტემაში. ის წარმოადგენს უახლოეს საცხოვრებელ ზონას აღამიანისას, სახლის ფენომენი სხვადასხვა კულტურის ტექსტებში განისაზღვრება, როგორც სამყაროთშემქმნელი ბირთვი, ყველაფრის საწყისი წერტილი. აღამიანსაც აქვს თავისი ბიოლოგიური ბირთვი, რომელიც უჯრედის დაყოფის დროს (მიტოზი) ინახავს მემკვიდრულ მახასიათებლებს. აღამიანი, რომელსაც სახლი „დაუპატარავდა“, ტოვებს მას და ქმნის ახალ რეალობას. ეს რეალობა შეიძლება სრულიად განსხვავდებოდეს ტრადიციულიდან, მაგრამ სახლიდან „გაქცეულს“ არ უნდა დაეპარალოთ ყველაფერი მშობლიურის მიმართ ანტიპათიური განწყობა (ოიკოფობია). პირქით, ეს არის ეტაპი, რომელსაც მოაზროვნე აღამიანის გონება ბუნებრივად გადის.

და მაინც, რატომ „უპატარავდებათ“ სახლები? რატომ ვერ ეტყვიან საკუთარ ციხესიმაგრეებში აღამიანები? ამ კითხვაზე პასუხის გაცემა გავიადვილდება, თუ გავისხენებთ რამდენიმე

მაგალითს ქართული ლიტერატურის სასკოლო პროგრამიდან. საოჯახო ქრონიკებში სახლი წარმოადგენს აზრობრივ და სივრცულ-ენერგეტიკულ ცენტრს, რომლის ირგვლივაც ჯგუფდება სხვადასხვა სახე. სახლი არის ადგილი, სადაც იწყება და მთავრდება სიცოცხლე. სახლს აქვს მესხიერება, სახლს ახსოვს დაბადება... სწორედ სახლის მესხიერება, სიყვარულისა და ბედნიერების გაქრობა აიძულებს შუშანიკ დედოფალს, პროტესტის ნიშნად დატოვოს „სახლი მშვიდობისაი“, სადაც „სიხარული მწუხარებად გადაიქცა“. ეს არის, ალბათ, უკიდურესი გზა საკუთარი თავის გამოხატვისა. სახლის დატოვებით შუშანიკი დაადგა მონამის გზას. ვარსკენთან ერთად ამ სასახლეში „ველარ ეტევა“, რადგანაც სახლი მსგავს სულთა თავშესაფარია. ვარსკენი კი...

გრიგოლ ხანძთელი. ქართლის ერისთავის, ნერსე მე-2-ის კარზე მყოფი, წარჩინებული გვარიშვილი, ბრწყინვალე განათლების პატრონი, ფარულად ტოვებს სახლს და საღვთო მონადებით სულიერად განაზრუნვებს მამინდელი ხანძთის ღამეს, სადაც ხუდიოვს მიერ დანთებული ერთადერთი სანთელი ებრძოდა სულიერ წყვდიადს. „უდაბნოს ვარსკვლავად“ იქცა გრიგოლი. სახლის დატოვებით მან ის ბალავარი გაქრა, რომელზედაც სულ მალე სრულიად საქართველოს სახლი აშენდა.

წმიდა აბო. არაბი ჭაბუკი, საკუთარი „განქარვებად“ ქონებისა და სახლის დატოვებით პოულობს სულის თავშესაფარს, „განუქარვებულს“, რომელსაც ვერ წაართმევს ვერცერთი ამირა. არაბმა ჭაბუკმა თბილისი თავის სახლად აქცია.

გიორგი ოთარაშვილი იზრდებოდა სახლში, სადაც ყველაფერი დედის ხელების სითბოსა და ოჯახური მყუდროებით იყო აღბეჭდილი. იქ იმუხტებოდა იმ ენერგიით, რომელმაც გამოაზრდია მისი გონების კედელი და გააბედვინა თავადის ქალის შეყვარება. სახლმა, რომელიც მოიაზრებს გამეფებულ აურას, დიდი როლი შეასრულა გიორგის ჩამოყალიბებაში. ველარ დაეტია მისი გოლიათური ბუნება, ვერ მოთავსდა ჩვეულ საზღვრებში და გაფართოება მოითხოვა. გიორგის სახლიდან წასვლა მისი სიკვდილით დასრულდა, მაგრამ სულაც არ ვთვლი მას ტრაგიკულ პიროვნებად. პირქით, წასვლით კიდევ უფრო უკეთესი გახდა, და საერთოდ, იმიტომ წავიდა, რომ უკეთესი დაბრუნებულიყო.

სამაგიეროდ, ჩვენს ლოყებლავლაჟა თავადს მოსონდა სახლში ჯდომა და ჭერში ბუზების თვლა. განა ეს საქმე არ

იყო? საკუთარი, ალაგ-ალაგ გადაქცეული ტყრუშული ღობით შემოსაზღვრული ნეხდაყრილი მინა მისთვის ნამდვილი არკადიაა. ასეთ აღამიანებს სახლები არასოდეს „უპატარავდებათ“, სამკვიდროს მოყვარულეობად რჩებიან სიცოცხლის ბოლომდე. ყველას გვახსოვს სულხან-საბა ორბელიანის იგავი „იხვი და მყვარი“. სტერეოტიპული აზროვნებით, მყვარი კარგია, ხოლო იხვი – ცუდი, რადგან ამ უკანასკნელმა დატოვა თავისი გუბე (სამშობლო, ოჯახი) და საკუთარ თავს უშველა. „მყვარი კვდება. რისთვის კვდება ის, რა აზრი ან გამართლება აქვს მის დაღუპვას? პასუხი სავსებით ნათელია – პრაქტიკულად არაფერი“ (გ. მურღულია).

არსებობს ორი ტიპის აზროვნება. ერთი, როცა აღამიანის ცხოვრება ახალ-ახალ გამოწვევათა და ვითარებათა წყება და ნამდვილი პიროვნების ვალია, ამ გამოწვევებს გონივრულად უპასუხოს. ზოგ აღამიანს კი სიახლის ემინია, „აზროვნების გახვევებისა და ვაქევებულობის გამო“ (გ. მურღულია). ლუარსაბის აზროვნების ვაქევებულობა თვალმისაცემია მისი სტატიკური ცხოვრების ფონზე.

იგიც ხომ სულხან საბას იგავის პერსონაჟის – იხვის მსგავსი აზროვნებისაა. არ აპირებს დარჩეს ბნელ გამოქვაბულში, ისიც „დაპატარავებული“ სახლ-სამყაროს ხუთვას გამოქცეული, წელში გამართული, გამოქვაბულში ვერდატეულია. ისინი მიდიან სახლის გასაფართოებლად, რადგანაც უნდათ თავიანთ სახლებში სხვებმაც იცხოვრონ და ისუნთქონ (გავისხენოთ პლატონის მითი გამოქვაბულის შესახებ). ჯემალ ქარჩაძის იგი არ შეუშინდა მარტოობასა და შემეცნების ფართო, ხიფათიან გზას დაადგა.

„პიროვნული ხსნის გზა ყოველთვის ინდივიდუალურია. მართალია, მოძმეს შეუძლია გზის გაადვილება, როგორც ბართაშვილი წერს „მერანში“, მაგრამ საკუთარი თავი ყველამ ინდივიდუალურად უნდა აღმოაჩინოს“ (მაია ჯალაღავლი).

ნანა თურქაძე

თბილისის ვლადიმერ კომაროვის ფიზიკა-მათემატიკის 199-ე საჯარო სკოლის ქართული ენისა და ლიტერატურის მასწავლებელი

გამოყენებული ლიტერატურა:

გია მურღულია, „საუბრები ლიტერატურაზე“

ლიტერატურული კონკურსი

„შემოდგომის ლეგენდა 2017“-ის გამარჯვებულები გამოვლინდნენ

ივანე ჯავახიშვილის სახელობის თბილისის სახელმწიფო უნივერსიტეტში ლიტერატურული კონკურსის „შემოდგომის ლეგენდა 2017“ დაჯილდოება გაიმართა. ღონისძიებას ესწრებოდნენ: თსუ-ს რექტორი გიორგი შარვაშიძე, საქართველოს განათლებისა და მეცნიერების მინისტრის მოადგილე ალექსანდრე თევზაძე, კომპანია „ჯეოსელის“ კორპორაციული კომუნიკაციების ხელმძღვანელი ლიკა მეტრეველი, სტუდენტები და მონაწილე სტუმრები. პირველი საპრიზო ადგილი შოთა რუსთაველის სახელობის თეატრისა და კინოს სახელმწიფო უნივერსიტეტის სტუდენტს ხატია იათაშვილს ერგო, მეორე ადგილი თბილისის სახელმწიფო უნივერსიტეტის სტუდენტი ალექსანდრე კალმახლიძე გახდა, ხოლო მესამე ადგილი ქართულ-ამერიკული უნივერსიტეტის სტუდენტმა, მარიამ ჭუმბურიძემ დაიკავა. კონკურსის საპრიზო თანხა და კომპანია ჯეოსელის საჩუქრები – მობილურები „ეფლისგან“ სამ გამარჯვებულზე გადანაწილდა: I ადგილი – 1000 ლარი, II ადგილი – 700 ლარი და III ადგილი – 500 ლარი.

ლიტერატურულ კონკურსში პირველად გამოსცადა საკუთარი შესაძლებლობები პირველი ადგილის მფლობელმა ხატია იათაშვილმა. მისი თქმით, გამარჯვება მოულოდნელი იყო. „თავდაპირველად, შესარჩევ ტურში როცა გავაგზავნე

ნაშრომი, ველოდი, რომ მოვხვდებოდი ათეულში. შემდგომ უკვე ნაკლებად ვგრძობდი თავს, როგორც კონკურსანტი, გამარჯვებაზე არც მიფიქრია და ძალიან მოულოდნელი აღმოჩნდა. საკონკურსო თემა სხვისი ავტობიოგრაფია იყო და დავწერე ერთი ქალის ცხოვრების ისტორია – პატარა-პატარა დეტალებით შემდგარ მის ცხოვრებაზე“, – განაცხადა ხატია.

ჟიურის წევრის, მაკა ლდოკონენის შეფასებით, 9 წლის განმავლობაში კონკურსმა ძალიან ბევრი საინტერესო ახალგაზრდა ავტორი აღმოაჩინა: „ჩვენი კონკურსი რომ სტიმულირებს მომცემია, ის ფაქტიც ადასტურებს, რომ ეს სტუდენტები მომავალშიც აგრძელებენ წერას, გამოსცემენ თავიანთ კრებულებს, მონაწილეობენ და იმარჯვებენ სხვადასხვა ლიტერატურულ კონკურსში“.

თბილისის სახელმწიფო უნივერსიტეტისა და კომპანია „ჯეოსელის“ ერთობლივი პროექტი – სტუდენტური ლიტერატურული კონკურსი – წელს მეცხრედ ჩატარდა. მისი მიზანი ნიჭიერი თაობის აღმოჩენა და მათთვის გზის გაკვალვაა. კონკურსში, საქართველოს მასშტაბით არსებული, ყველა აკრედიტებული უმაღლესი სასწავლებლის სტუდენტები მონაწილეობენ. კონკურსი ორ ეტაპად მიმდინარეობს, წელს პირველ ტურში მონაწილეობა 427-მა კონკურსანტმა მიიღო. შიდაშესარჩევ ტურში გამოვლინდა 10 ფინალისტი, რომლებმაც იმპროვიზაციულ ტურში, ჟიურის მიერ შერჩეულ თემაზე, 12 საათის განმავლობაში, ახალი ნაშრომები შექმნეს. იმპროვიზაციულ ტურს სარაჯიშვილების საგვარეულო მამულში – მარუშენში უმასპინძლეს. ლიტერატურული კონკურსის ჟიურის წევრები იყვნენ: მწერლები – დათო ტურაშვილი, თეონა დოლენჯაშვილი, მაკა ლდოკონენი, არჩილ ქიქოძე და მარშანდელი გამარჯვებული ბექა ბერაძე. მათ მონაწილეებს თემად „სხვისი ავტობიოგრაფია“ შესთავაზეს.

როგორც თსუ-ს რექტორმა, გიორგი შარვაშიძემ აღნიშნა, კონკურსის მონაწილეთა რაოდენობა ყოველწლიურად საგრძობლად იზრდება. „427 მონაწილე იყო თავად კონკურსში, 300-ზე მეტმა კი ონლაინ კონკურსში მიიღო მონაწილეობა, რაც იმაზე მიუთითებს, რომ რაოდენობასთან ერთად იზრდება ხარისხი იმ ნაშრომობებისა, რომლებიც ახალგაზრდა სტუდენტების მიერ იქმნება. ძალიან კარგი ნაშრომებია და ვიმედოვნებ, საქართველოში ბევრი ასეთი კონკურსი იქნება.“ – განაცხადა რექტორმა.

„ყოველ წელს უფრო და უფრო შედეგიანი და წარმატებულია „შემოდგომის ლეგენდა“. იგი სტუდენტების ერთ-ერთი საყვარელი პროექტია და ჩვენთვისაც გამორჩეულია. ამ წლების განმავლობაში არაერთი საინტერესო აღმოჩენა გაკეთდა ახალგაზრდა მწერალი-სტუდენტების სახით, რომ-



ლებმაც წარმატებულად გაიკვალეს გზა. „ჯეოსელს“ ონლაინ გამარჯვებულისთვისაც აქვს პრიზი“, – აღნიშნა „ჯეოსელის“ კორპორაციული კომუნიკაციების ხელმძღვანელმა ლიკა მეტრეველმა.

დაჯილდოების საღამოზე გამოვლინდა ონლაინ კონკურსის გამარჯვებულიც – ნინო მოდებაძე, რომელსაც კომპანიის მიერ დანესტებული პრიზი – ხმის გამაძლიერებელი Marshall acton გადაეცა. ძირითადი კონკურსის პარალელურად, ყველა მსურველს ჰქონდა შესაძლებლობა, ჩართულიყო ონლაინ ლიტერატურულ მარათონში. „ჯეოსელის“ სპეციალური აპლიკაციის დახმარებით დარეგისტრირებულმა კონკურსანტებმა, ფინალისტებისთვის მიცემულ თემაზე, ახალი ნაშრომები შექმნეს. საერთო ჯამში, მარათონში 300-მდე მონაწილე დარეგისტრირდა.

ფინალისტების და ონლაინგამარჯვებულის ნაშრომები ყოველწლიურ ბროშურაში გაერთიანდა, რომელიც ღონისძიებაზე მოსულ სტუმრებს საჩუქრად გადაეცათ.



იუბილე

ამაღლებული დღე ოტია იოსელიანის სახელობის წყალტუბოს №1 საჯარო სკოლა 135 წლისაა

2017 წლის 24 ნოემბერი ოქროს ასობით შევა სსიპ ოტია იოსელიანის სახელობის წყალტუბოს პირველი საჯარო სკოლის ისტორიაში. ამ დღეს პედაგოგებმა, მოსწავლეებმა, კურსდამთავრებულებმა, მშობლებმა, ქალაქის ხელმძღვანელებმა ზეიმით აღნიშნეს პირველი სკოლის დაარსებიდან 135 წლისთავი.

„ყოველი ერი თავისი ისტორიით სულდგმულობს. იგია საგანძვე, საცა ერი ჰპოულობს თავისი სულის ღონეს, თავისი სულის ბგერას, თავის ზნეობით და გონებით აღმატებულობას, თავის ვინაობას, თავის თვისებას“ – ბრძანებდა ილია.

წყალტუბოს პირველი საჯარო სკოლასაც შინაარსიანი არსებობის ისტორია აქვს. მე-19 საუკუნის 70-იანი წლებიდან, საქართველოში, დაიწყო სახალხო სკოლების დაარსება. სწავლა-განათლების მიღების სურვილით გამოირჩეოდა დასავლეთი საქართველო, ქუთაისის გუბერნია. იაკობ გოგებაშვილი ბრძანებდა: „მთელი დედამიწის ზურგზე ვერ მოსძებნით იმისთანა კუთხეს, სადაც ხალხს ჰქონდეს იმაზე მომეტებული წაილი სწავლისა და ცოდნისა, როგორც არსებობს დასავლეთ საქართველოში“. სწორედ ამ პერიოდში, 1882 წლის დეკემბერში, დაარსდა წყალტუბოს სკოლა ძმების – სპირიდონ და რომანოზ ფანცხავეების მიერ. ეს იყო პირველი სამკლასიანი სასწავლებელი, რომლის შენობა სპირიდონის საკუთარი სახსრებით შეუქმნია. 1925 წელს სკოლა შეიღწეა და დაუკეთებიათ და ახალი შენობა აუგიათ. რაიონული ცენტრის წყალტუბოში გადმოტანისა და ქალაქის ზრდის გამო, დაარსდა პირველი საშუალო სკოლა, რომელიც ახლა საჯაროს სტატუსს ატარებს.

„როცა ადამიანს სურს შეიტყოს ღირსება და დიდება ერისა, ყოველ უწინარეს ამას იკითხავს, რამდენი მთქმელი და მწერალი ჰყავსო“. სწორედ წყალტუბოს პირველმა სკოლამ აღზარდა ქართული მწერლობის დიდოსტატი, ოტია იოსელიანი, რომლის საპატიო სახელსაც დღეს ღირსეულად ატარებს.



ერის სულიერი მოძღვარი, ილია ჭავჭავაძე, აღნიშნავდა: „სკოლა ერთსა და იმავე დროს უნდა სწრუთენიდეს კიდეც ბავშვსა და ახწავლიდეს კიდეც. წურთენა და სწავლა ხელი-ხელს გადაბმულად უნდა ვიდოდეს სკოლაში, ვინაიდან ჭეშმარიტი განათლება განვითარებულ გონების და განუთვინილის ზნე-ხასიათის ერთმანეთთან შეუღლებაა განუყრელად“. ერთი საუკუნის წინ ნათქვამი ეს სიტყვები საგნებით ეხმაურება ჩვენს თანადროულობას, იმ კურსს, რომელიც სსიპ ოტია იოსელიანის სახელობის წყალტუბოს პირველი საჯარო სკოლას (დირექტორი – ფაქიზო ფანჩულიძე-კუჭავა, დირექტორის მოადგილე – დალი სილაგაძე) უჭირავს. ის დღესაც წარმატებული და ერთ-ერთი საუკეთესო რაიონში და არა მარტო რაიონში. აქ ნამდვილად არის მოსწავლეებისა და მასწავლებლების მიღწევების მიმართ მაღალი მოლოდინები და სწავლა-სწავლებისათვის კომფორტული გარემო. დირექცია და კვალიფიციური პედაგოგები თავდაუზოგავად შრომობენ სკოლის პრესტიჟისა და მოსწავლეთა ცოდნის დონის ამაღლებისათვის. სკოლა აღჭურვილია თანამედროვე კომპიუტერული ტექნიკით, ინერგება ახალი მიდგომები და მეთოდები, რომლებიც ხელს უწყობენ შემდგომ წინსვლას, პროფესიულ ზრდასა და განვითარებას.

სკოლის საიუბილეოდ, სკოლის დირექტორმა ფაქიზო ფანჩულიძემ 3-თვიანი პროექტი განახორციელა, სახელწოდებით – „ანმყო შობილი წარსულისაგან, არის მშობელი მომავლისა“. პროექტის მიზანი იყო, სკოლის დაარსებიდან 135 წლის იუბილის აღნიშვნისა და სკოლის საქმიანობის წარმოჩენის გზით, სკოლის პოპულარიზაცია.

პროექტის ამოცანები იყო: საიუბილეო წიგნის გამოცემა; სკოლის საქმიანობის პოპულარიზაცია; საპატიო კურსდამთავრებულებისა და საპატიო პირველი სკოლის ტიტულის დებულების შემუშავება-დამტკიცება; იუბილეს აღნიშვნა.

პროექტის მიზნობრივი ჯგუფი იყო სკოლის სამივე საფეხურის 100-მდე მოსწავლე, 25 მშობელი, თემის წევრები.

სკოლის საქმიანობის პოპულარიზაციის მიზნით, 28 კლასში ჩატარდა ესეებისა და ნახატების კონკურსი „ჩვენი სკოლა 10 წლის შემდეგ“; განვახლებთ სკოლის ევბორტალი სასკოლო ცხოვრების ამსახველი ფოტო და ვიდეომასალებით; XII კლასის მოსწავლემ, ზურაბ ზადირეიშვილმა შექმნა ვიდეორგოლი, სახელწოდებით – „მოვალთ, იმედად ხვალის“; დამზადდა სკოლის ცხოვრების ამსახველი ბილბორდები, კათედრებმა გამოსცეს საიუბილეო პოსტერები და მოეწყო სკოლის წარსულის ამსახველი ფოტოგამოფენა.

135 წლის განმავლობაში წყალტუბოს პირველი სკოლაში ბევრი პედაგოგი მოღვაწეობდა. მათი სახელების უკვდავსაყოფად, ქალბატონ ფაქიზო ფანჩულიძის თხოვნით, საქართველოს კულტურის დამსახურებულმა მუშაკმა, ქალაქ წყალტუბოს საპატიო მოქალაქემ, ღირსების ორდენის კავალერმა, ქალბატონმა ციალა ღვინიაძემ, საიუბილეოდ შეადგინა და წიგნად გამოსცა პირველი სკოლის ისტორია.

პროექტი საიუბილეო საღამოზე შეჯამეს (სცენარის ავტორი – დოდო ხაჩიძე, მუსიკალური გამორმებელი – მაკა ფორფოლიანი, ქორეოგრაფი – ფანა ბენიძე), რომელსაც ესწრებოდნენ საპატიო სტუმრები: საქართველოს პარლამენტის წევრი, წყალტუბოს მუნიციპალიტეტის მაჟორიტარი დეპუტატი ცოტნე ზურაბიანი, საქართველოს პარლამენტის განათლებისა და მეცნიერების კომიტეტის თავმჯდომარის მოადგილე გენადი მარგველაშვილი, წყალტუბოს საგანმანათლებლო რესურსცენტრის უფროსი მამუკა ჩხეტიანი, ქალაქის გამგებელი გრიგოლ იოსელიანი, გამგებლის მოადგილე ალექსანდრე დადუნაშვილი, საკრებულოს თავმჯდომარე გიზო ივანიშვილი, საკრებულოს თავმჯდომარის მოადგილე პაატა ახალაძე, ოტია იოსელიანის ვაჟი დარი იოსელიანი, ქალაქის კულტურის სამსახურის წარმომადგენელი – ლილი გელენიძე, ქალაქის მუზეუმის თანამშრომლები, პროფესორი, კარდიოლოგი გია შელია და სხვები.

ტრადიციად დამკვიდრდა სტატუსი „პირველი სკოლის საპატიო კურსდამთავრებული“, რომელიც მიენიჭათ: ოტია იოსელიანს, გიზო ივანიშვილს, ნათელა ზაზაძეს, ანზორ ბაბუნაშვილს; პირველი სკოლისადმი მაღალი მოლოდინებისა



და მრავალწლიანი თანამშრომლობისათვის საპატიო სიგელი გადაეცა ქალაქ წყალტუბოს საგანმანათლებლო რესურსცენტრის უფროსს, მამუკა ჩხეტიანს და სკოლის საიუბილეო წიგნის ავტორს, ციალა ღვინიაძეს.

აღნიშნულმა პროექტმა კიდევ უფრო აამაღლა სკოლის ავტორიტეტი, ხელი შეუწყო თემის ინფორმირებულობას და ჩართულობას სასკოლო ცხოვრებაში. მოსწავლეები გაეცნენ სკოლის ისტორიას, ღვაწლმოსილ ადამიანებს. 24 ნოემბრის დღე დიდხანს დარჩება ყველა პირველსკოლელის მეხსიერებაში, როგორც სასიამოვნო, მშვენიერი, ამაღლებული და ტკიბილად მოსაგონარი.

დოდო ხაჩიძე

სსიპ ოტია იოსელიანის სახელობის ქალაქ წყალტუბოს №1 საჯარო სკოლის ქართული ენისა და ლიტერატურის კათედრის გამგე



ინკლუზიური განათლება

რთული ქსავის მართვის საფუძვლები

ინკლუზიური განათლება გულისხმობს ყველა ტიპის სპეციალური საგანმანათლებლო საჭიროებების მქონე მოსწავლეების ჩართვას ზოგადსაგანმანათლებლო სასწავლო პროცესში თანატოლებთან ერთად.

ინკლუზიური განათლების მოდელით სპეციალური საგანმანათლებლო საჭიროებების მქონე პირთა ჩართვა ზოგადსაგანმანათლებლო სკოლებსა თუ პროფესიულ სასწავლებლებში, არ წარმოადგენს მარტივ პროცესს.

ინკლუზიური განათლების მართვის პროცესი ეყრდნობა რამდენიმე ფუნდამენტურ ღირებულებას:

✓ განსხვავებულობა არის ნორმა – არ არსებობს ორი მოსწავლე იდენტური სოციალურ-ეკონომიკური სტატუსით, ინტერესებით, განწყობითა თუ აკადემიური უნარებით.

✓ ჯანსაღი საზოგადოების შენების ხელშეწყობა – ინკლუზიური განათლება კარგად ორგანიზებული სასწავლო პროცესს გულისხმობს და ხშირად გვაძლევს საშუალებას, მინიმუმამდე დავიყვანოთ მოსწავლის მიერ სკოლის მიტოვების რისკი.

✓ დინამიზმი, ინოვაცია და ცვლილებების განხორციელება – ინკლუზიური განათლება დაუსრულებელი პროცესია და გამომდინარეობს ცვლილებების უკავშირდება, როგორც საკონსტრუქციო, ისე სკოლის დონეზე.

ინკლუზიური განათლება დაუსრულებელი პროცესია და გამომდინარეობს ცვლილებების უკავშირდება, როგორც საკონსტრუქციო, ისე სკოლის დონეზე.

Table with 6 columns: ხედვა, უნარი, სტიმული, რესურსები, სამოქმედო გეგმა, ცვლილება. It lists various educational goals and methods.

მოყვანილი ცხრილის მიხედვით, თუკი სასკოლო კულტურა მოიცავს ხედვას განათლების ინკლუზიურობის შესახებ, ასევე სკოლაში არის შესაბამისი კომპეტენციის მქონე კადრი, თუ ადმინისტრაციას აქვს მუშაობის ნახალისებისა და პოზიტიური განმტკიცების გამოცდილება და ინკლუზიური განათლების განვითარების კონკრეტული სამოქმედო გეგმა, შესაძლებელი ხდება პროცესის რეალურად განხორციელება და ცვლილება.

სსსმ მოსწავლეებთან მუშაობის პროცესში ერთ-ერთ უმნიშვნელოვანეს პრობლემას წარმოადგენს რთული ქცევის მართვა.

დასაწყისში გათავაზობთ რამდენიმე ტერმინის განმარტებას, რომელიც სტატიის უკეთ აღქმას შეუწყობს ხელს:

ქცევა არის მოთხოვნილების დაკმაყოფილების საშუალება. ნებისმიერ ქცევას აქვს მაპროვოცირებელი ფაქტორები, იგივე წინაპირობა;

ქცევის წინაპირობა – იგივე მაპროვოცირებელი ფაქტორი, ეს ისეთი ფაქტორებია, რომლებიც რთულ ქცევას უშუალოდ ბიძგს აძლევს;

რთული ქცევის შემანარჩუნებელი ფაქტორები – ეს არის რთული ქცევის ისეთი შედეგი, რომელიც რთული ქცევის მოსწავლისთვის სასურველია. მაგ: მოსწავლე თუ გაცვეთილზე გვერდით მჯდომი მოსწავლის თამაში მოქაჩვის გამო, რომ გარეთ გააძევეთ (მასწავლებელი რომ გარეთ ავდებს გვერდით მჯდომი მოსწავლის თამაში მოქაჩვის გამო, ეს გარეთ გაძევება საკლასო სივრცეიდან რთული ქცევის უშუალო შედეგია). ასეთი შედეგი ინარჩუნებს რთულ ქცევას, ანუ ხელს უწყობს მის შემდგომ აღმოცენებას, რადგან ამ შედეგით კმაყოფილდება მოსწავლის მოთხოვნილება;

რთული ქცევის დამბლოკავი ფაქტორები – ეს ისეთი ფაქტორებია, რომლებიც რთულ ქცევას ბლოკავს და გამოვლენის საშუალებას არ აძლევს. ეს ფაქტორები ინდივიდუალურია ყოველი რთული ქცევისთვის, მაგ: ერთ შემთხვევაში, შეიძლება იყოს მოსწავლის უნარებზე მორგებული გამარტივებული დავალება, რომელიც შესასრულებლად მცირე დროს მოითხოვს და ა.შ.

საფუძვლი პირველი: რთული ქცევის იდენტიფიცირება

• ფონური/პირველადი დაკვირვების წარმოება რთულ ქცევაზე (ფონური დაკვირვების დროს ვაკვირდებით მოსწავლეს ყველა გაცვეთილზე).

• ფონური დაკვირვების საფუძველზე, მოსწავლის რთული ქცევების ჩამონათვალის შემუშავება (დაკვირვების პროცესში ვინერთ მოსწავლის მიერ გამოვლენილ ყველა რთულ ქცევას).

• რთული ქცევის ზემოხსენებული ჩამონათვალიდან სამიზნე რთული ქცევის შერჩევა (რთული ქცევების ჩამონათვალიდან ვირჩევთ ერთ რთულ სამიზნე ქცევას).

• შერჩეული სამიზნე ქცევის განმარტება, ანუ აღწერა მარტივი სიტყვებით (განმარტება არ შეიცავს შეფასების შემდეგ

სიტყვებს, მაგ: ყოჩაღი, ცუდი, აგრესიული და ა. შ. ქცევა უნდა იყოს დეტალურად აღწერილი, მაგ: გიორგი ისერის საწერ კალამს მასწავლებლის მიმართულებით).

• შერჩეული სამიზნე რთული ქცევისთვის კოდის მინიჭება (კოდირება), ანუ სამიზნე ქცევის რაიმე სიმბოლოთი აღნიშვნა (მაგ: გიორგი ისერის საწერ კალამს მასწავლებლის მიმართულებით, ვანიჭებთ სიმბოლოს – X, გაცვეთილის მსვლელობის დროს გამოვლენილი რთული ქცევის შემთხვევაში ვაკეთებთ ჩანანერს მხოლოდ მინიჭებული სიმბოლოს სახით).

• სამიზნე რთულ ქცევაზე დასაკვირვებელი მახასიათებლის შერჩევა (აღნიშნულ შემთხვევაში, ვაკვირდებით ქცევის სიხშირეს – რამდენჯერ გამოვლინდა, ხანგრძლივობას – რამდენ ხანს მიმდინარეობს, ინტენსივობას – რამდენად ძლიერადაა გამოხატული; ლატენცობას – ქცევის შორის დროის მონაკვეთს – ერთი ქცევის განხორციელებიდან მეორე ქცევის წარმოშობამდე). პირველი საფეხურის გავლის შემდეგ, ჩვენ უკვე გვექნება გამოვლენილი ერთი ან რამდენიმე რთული ქცევა. ვირჩევთ ერთ, ჩვენთვის სასურველ, რთულ ქცევას და ვაანალიზებთ.

საფუძვლი მეორე: სამიზნე რთული ქცევის ანალიზი

• პირველ რიგში ვწერთ, რამდენი ხანი და რომელ გაცვეთილზე ვაკვირდებით სამიზნე რთულ ქცევას და თითო საგანს რამდენჯერ დავესწავრებით.

• შემდეგ ეტაპზე ინერება გამოვლენილი სამიზნე რთული ქცევის სიხშირე (ამისთვის კი, აუცილებელია შევადგინოთ ცხრილები, სადაც ცალკე-ცალკე იქნება მოცემული სიხშირის ცხრილები ყველა საგნისთვის და დაკვირვების ყველა სესიისთვის).

• ცხრილში წარმოდგენილი ქცევითი მონაცემების მიხედვით ვაგებთ გრაფიკს, რომელიც ქმნის ერთგვარ სურათს.

• გრაფიკის ანალიზი უნდა მოხდეს ცალკეული საგნების მიხედვით. ანალიზის ამ საფეხურზე დავგჭირდება წინაპირობა.

• შედეგების ცხრილი (წინაპირობა – შედეგები უნდა იყოს ბევრი და წარმოდგენილი ცალკე-ცალკე საგნების მიხედვით. წინააღმდეგ შემთხვევაში, ანალიზისთვის საკმარისი ინფორმაცია არ გვექნება და ვერც ქცევაზე ჩარევას დავგეგმავთ სწორად).

• ცალკეული საგნების მიხედვით რთული ქცევის გამოვლენის ანალიზს – კონტექსტის ანალიზს, ებმის რთული ქცევის მაპროვოცირებელი, შემანარჩუნებელი და დამბლოკავი ფაქტორების ანალიზი.

საფუძვლი მესამე: რთულ ქცევაზე ჩარევის გეგმა – ინტერვენცია

• სასურველი და ჩამანაცვლებელი სიტყვები უნდა გამოიყოს და უნდა განვმარტოთ, ანუ აღვწეროთ მარტივი სიტყვებით, ყოველგვარი ინტერპრეტაციების გარეშე.

• განმამტკიცებლების მენიუ და სასურველი ქცევის განმტკიცების სტრატეგიები და პროცედურა (ვინ, როდის, სად მიხედვით ამა თუ იმ განმამტკიცებელს, ასევე, რა შემთხვევაში შეუძლია მოსწავლეს განმამტკიცებლის მიღება და განმამტკიცებლის პროცედურის გამოხორციელება).

• ჩარევა რთული ქცევის წინაპირობაში (რთული ქცევის მაპროვოცირებელი ფაქტორების მოხსნა).

• ჩარევა რთულ ქცევაში (ანუ რთული ქცევის შედეგი უნდა შეიცვალოს).

• ანალიზის შედეგად გამოვლენილი დამბლოკავი ფაქტორები უნდა გამოვიყენოთ ჩარევის დროს და ეტაპობრივად გავაძლიეროთ.

გათვალისწინეთ, რომ რთულ ქცევაზე ინტერვენციის გეგმაში უნდა გამოიყენოთ რთული ქცევის ანალიზით მოპოვებული ინფორმაცია.

ჩარევა იგეგმება რთული ქცევის მიზნის გათვალისწინებით. ჩვენ უნდა ვასწავლოთ მოსწავლეს, როგორ დაიკმაყოფილოს სოციალურად მისაღები სასურველი ქცევებით იგივე მოთხოვნილება, რომელსაც რთული ქცევის იკმაყოფილებს.

მაქსიმალურად უნდა მოეხსნა რთული ქცევის მაპროვოცირებელი და შემანარჩუნებელი ფაქტორები, ასევე უნდა გავაძლიეროთ რთული ქცევის დამბლოკავი ფაქტორები.

კახა ბაღდაძე

სსიპ სამტრედიის მე-15 საჯარო სკოლის უფროსი მასწავლებელი, ისტორიკოსი, ა/ო პედაგოგთა კავშირის „განათლება და სამყარო“ ტრენერი

ასალი აპაპაი

თსუ-ს გუნდი გამარჯვებულია

პირველი ადგილი საერთაშორისო ჰუმანიტარული სამართლისა და ლტოლვილთა სამართლის საერთო ევროპული იმიტირებული სასამართლო პროცესების შეჯიბრში ივანე ჯავახიშვილის სახელობის თბილისის სახელმწიფო უნივერსიტეტის გუნდმა დაიმსახურა. შეჯიბრის ფინალს 2017 წლის 21-25 ნოემბერს ლუბლიანას უნივერსიტეტმა (სლოვენია) უმასპინძლა.

ლურ რაუნდებში (2 გამოსვლა). სადავო საკითხები შეეხებოდა საერთაშორისო ჰუმანიტარული სამართლის, ლტოლვილთა საერთაშორისო სამართლისა და საერთაშორისო სისხლის სამართლის ისეთ აქტუალურ საკითხებს, როგორც: ომის წარმოების მეთოდები და საშუალებები, შეიარაღებული კონფლიქტის შედეგად იძულებით გადაადგილებულ პირთა სტატუსი, ომის დანაშაულები, სისხლის სამართლის საერთაშორისო სასამართლოს კომპეტენცია და სხვ.

გუნდი მომზადდა თსუ-ს იურიდიული ფაკულტეტის საერთაშორისო სამართლის ინსტიტუტის პროფესორებისა და დოქტორანტების ხელმძღვანელობით, კერძოდ პროფესორ ქეთევან ზუციშვილის, რომლის სახელსაც უშუალოდ უკავშირდება თსუ-ში ლტოლვილთა სამართლის დამოუკიდებელ სასწავლო დისციპლინად შემოღება, ასევე საერთაშორისო ჰუმანიტარული სამართლის ლექტორების – ნათია კალანდარიშვილის, საბა ფიფიას და ინსტიტუტის დოქტორანტის, ონისიმე ცხომელიძის მიერ. თსუ-ს გუნდის კონკურსში მონაწილეობის ინიციატივით აკადემიკოსი ლევან ალექსიძე, მანვე უზრუნველყო საერთაშო-



რისო რაუნდში მონაწილეობისთვის გუნდის გამგზავრება.

საერთაშორისო ჰუმანიტარული და ლტოლვილთა სამართლის საერთო ევროპული იმიტირებული სასამართლო პროცესების ორგანიზატორები არიან: წითელი ჯვრის საერთაშორისო კომიტეტი, გაეროს უმაღლესი კომისარიატი ლტოლვილთა საკითხებში, სლოვენიის საკონსტიტუციო სასამართლო და ლუბლიანას უნივერსიტეტი. შეჯიბრში მონაწილეობდნენ სამართლის სკოლები ევროპული უნივერსიტეტიდან. საერთაშორისო რაუნდში მონაწილეობისთვის შერჩეული 12 გუნდიდან თსუ-ს გუნდმა წარმატებით გაიარა საკვალიფიკაციო ეტაპი და საერთაშორისო რაუნდში გამარჯვებაც მოიპოვა.

საუბრაბი ლიტერატურაზე

ლვთის ბაძვის პრობლემა „შუშანიკის ნამეზაში“

პრობლემის დაყენება და მისი არსი

მსოფლიო ლიტერატურაში არსებობს ღვთის (ქრისტეს) ბაძვის პრობლემა. იგი რელიგიურ-ლიტერატურული ხასიათისაა, ოღონდ უფრო მეტად ლიტერატურული, რადგან სიტყვაკაზმული მეტყველების ნირსა და ხასიათს უფრო განსაზღვრავს და სახე-ხატის თავისებურებას განაპირობებს. პრობლემა, ასევე, აქტიურად თავისებურად ლიტერატურისთვისაც, ვინაიდან იგი ჯერჯერობით არავის დაუსვამს და გადაუწყვეტია. აღნიშნული საკითხის გადაჭრა კი უფრო ცხადად წარმოგვიჩენდა ქართული ლიტერატურის ხასიათსა და არსს, მრავალ საკითხს სრულიად ახალ განათებას მიანიჭებდა. ეს ბუნებრივიცაა, ვინაიდან ჩვენი ეროვნული მწერლობა ქრისტიანულ საფუძველზე აღმოცენებული და განვითარებული. უმნიშვნელო გამოხატვის გარდა, ავტორებიც ქრისტიანები იყვნენ.

ღვთის (ქრისტეს) ბაძვა ეროვნული მწერლობის უმთავრეს იარაღს – ანბანსაც დასტყობია. არც ესაა გასაკვირი, თუ აკად. თამაზ გამყრელიძის თეორიას მივიღებთ, რომლის მიხედვითაც, ქართული დამწერლობა ქრისტიანობის შემდგომ (337წ.) წარმოქმნილად არის ნაგარაუდები (თ. გამყრელიძე, წერის ანბანის ისტორია და ძველი ქართული დამწერლობა, თბ., 1990).

პირადად მე ამ თვალსაზრისს ვეყრდნობი. თუ ეს ასეა, მაშინ საყურადღებო უნდა გამოდგეს ჩვენი ერთი დაკვირვება. ქრისტესადმი ბაძვა გამოვლენილია თვით ჩვენი ანბანის გრაფიკულ ბუნებაშიც. ქართული ანბანი სამ ზონას, შერს მოიცავს – ზედას, შუალასა და ქვედას. სიმბოლიკის დონეზე ეს ნიშნავს: ზედა = ზეცას, შუალა = დედამიწას, ქვედა = ქვესკნელს. ზოგი ასო მხოლოდ შუათანა ზოლს იკავებს, მაგალითად: ა, ი, ო, თ...

ა ი თ

ზოგი ასო შუა და ზედა ზოლს მოიცავს, მაგალითად: ნ, მ, რ, ს, პ...

ნ მ რ ს პ

ზოგი კი შუა და ქვედა სფეროს იკავებს, მაგალითად: ე, დ, კ, ტ...

ე დ კ ტ

სხვა ვარიანტი არ არსებობს. მთელი ქართული ანბანიდან მხოლოდ ერთადერთად ასო მოიცავს სამივე სფეროს ქრისტეს მსგავსად: ზეცასაც, მიწასაც და ქვესკნელსაც. ეს ასო გახლავთ სიტყვა ქ რ ი ს ტ ე ქ პირველი ლიტერი „ქ“.

ქ

აქ ჩვენ საშუალება გვაქვს, დავაფიქსიროთ, თუ როგორ წარმოუდგენია ძველ ქართულ მწერლობას ქრისტეს ყოვლისმომცველი ბუნება სივრცის სამ განზომილებასთან მიმართებით. ამაზე მეტყველებს მაგალითი „გრიგოლ ხანძთელის ცხოვრებიდან“. ამოტ კურაპალატი საყვედურობს საბა იშხნელს, რომ იგი პირველ დაძახებაზე არ ეახლა გვირგვინსანს. ამ ბრალდებაზე საბა ეუბნება: „დიდებულო მეფეო, შენ ქუეყანისა ხელმწიფე ხარ, ხოლო ქრისტი ზეცისა და ქუეყანისა და ქუეყანელთა“ (გრიგოლ მერჩულე, გრიგოლ ხანძთელის ცხოვრება, ქართული პროზა, I, გვ. 253).

საყურადღებოა ის ფაქტიც, რომ ასო „ქ“-ს თავდაპირველი მოხაზულობა სწორედ ჯვრის ფორმისა ჰქონია: „ქ“. ასო „ქ“-ს მეტად ჰგავს ასო „ჯ“. არც ესაა შემთხვევითი. „ჯ“ გახლავთ ჯ ვ რ ი ს პირველი ლიტერი. ოღონდ „ჯ“ მხოლოდ ორ სფეროს მოიცავს – შუალასა და ქვედას.

ჯ

ამ ორი ასოს მსგავსება საკვებით კანონზომიერია, რამეთუ ჯ ვ ა რ ი და ქ რ ი ს ტ ე ქრისტიანი კაცის შემეცნებაში განუშორებელი ცნებებია.

ახლა ვასაგებია, თუ რა ვითარება გვექნება ქართულ ქრისტიანულ ლიტერატურაში ქრისტეს ბაძვის თვალსაზრისით, როცა ვხედავთ, რომ სიტყვაკაზმული მწერლობის ძირითად იარაღში, ანბანის გრაფიკულ გაფორმებაშიც, ვლინდება ღვთისადმი ბაძვის ელემენტები.

რაკილა წამოყენებული პრობლემა ღვთის ბაძვას შეეხება, ბუნებრივია, ზოგი რამ ითქვას ცენტრალური ტერმინის, ბ ა ძ ვ ი ს, თაობაზე. ეჭვი არაა, აქ უნდა მოვისხენიოთ პლატონი და არისტოტელე, ავტორები, რომლებმაც ბ ა ძ ვ ი ს საგანგებო თეორიები შემუშავეს. ბაძვის თავისებური თეორია შემუშავეს ქრისტიანებმა. ბუნების ნაცვლად, მისაბად საგნად მათ ქრისტე აღიარეს. ეს იდეა, როგორც ჩანს, პირველად სახარებაში შემუშავეს.

ღვთის ბაძვის საკითხი ახალ აღთქმაში

ღვთის მიბაძვა საყურადღებოდ და საინტერესოდ წარმოჩენილი ახალ აღთქმაში, როგორცაა „სახარება“, „მოციქულთა წიგნები“ და სხვ. ბაძვის საგანი იესო ქრისტე, რომლის კეთილ საქმეებსაც თვალსაჩინოდ გვიჩვენებდა ჯერ მათე, ლუკა და იოანე, ხოლო შემდგომ ღვთის მოციქულები: პეტრე, იაკობი და სხვანი. ისინი მოუწოდებენ ხალხს, შეითვისონ ჩვენი მაცხოვრის ზნეკეთილი ღვაწლი და მიბაძონ მას. როცა ქრისტეს ბაძვას ქადაგებდნენ, სხვა მიზანიც ამოძრავებდათ: ახალი რწმენის მიმდევართა მიდრეკილების განმტკიცება და ქრისტიანობის გავრცელება თვალსაჩინო ნიშნის, ეთიკური და ზნეობრივი მაგალითის, მიხედვით. მოვიყვანოთ ამის დამადასტურებელი ადგილები „სახარებიდან“, ანუ „ოთხთავიდან“, სხვანაირად რომ ვთქვათ, „ევანგელედან“.

მათე 10, 38: „რომელმან არა აღიღოს ჯვარი თვისი და მომ-

დევდეს მე, იგი არა არს ჩემი ღირსი“. იოვანე 8, 12: „მერმეცა ეტყოდავე იესუ და პეტრე მათ: მე ვარ ნათელი სოფლისაი, რომელი შემომიდგეს მე, არა ვიდოდის ბნელსა, არამედ აქუნდეს ნათელი ცხოვრებისაი“ და სხვ.

ახლა ვნახოთ, თუ რას ამბობენ ამის შესახებ მოციქულები: მოციქული პეტრეს პირველი წერილი, თ.ი, 15-16: „არამედ როგორც წმინდა თქვენი მშობელი, თქვენც წმინდანი იყავით ყველა თქვენი მოქმედებისას. ვინაიდან დაწერილია: წმინდანი იყავით, რადგან მე წმიდა ვარ!“

პირველი კორინთელთა მიმართ, II: „ჩემი მობაძვენი იყავით, როგორც მე ვბაძავ ქრისტეს“. ეფესელთა მიმართ, 5 თ., I: „მაშ, როგორც საყვარელმა შვილებმა, მიბაძეთ ღმერთს“ და სხვ.

შემთხვევითი როდია, რომ ახალი აღთქმის ძეგლებში ხშირად შევხვდებით ასეთი სახის გამთქმებს: „ემსგავსებით ქრისტესა“, „მიემსგავსეთ ქრისტეს“, „შეუდევით კუალსა ქრისტესა“ და სხვ.

ღვთის ბაძვა ქართულ სასულიერო მწერლობაში

ჩვენ მიერ წამოჭრილი პრობლემა – ქრისტეს ბაძვა – საჩინოდაა წარმოდგენილი ქართულ სასულიერო მწერლობაში. „სასულიერო მწერლობის შეუსწავლელად ვერ გავითვალისწინებთ ქართული მწერლობის ისტორიას“ (კ. კეკელიძე, ძველი ქართული ლიტერატურის ისტორია, I, თბ., 1980, გვ. 13) და, თუ არ ვიცით დანაყვითი საქრისტიანო ლიტერატურა და იქ წამოჭრილი საკითხები, ვერ განვსაზღვრავთ სასულიერო მწერლობის ხასიათს.

რას ვმსახურებოდა, რა იდეის გამტარებელი იყო ქართული სასულიერო მწერლობა? ეს ის სიტყვაკაზმული ხელოვნებაა, რომელიც საინტერესოდ და მალაღმბატურულად ესაუბრებოდა ხალხს, არწმუნებდა მას, რომ ქრისტეს მიერ განვლილი გზა არის ჭეშმარიტი გზა, გზა მიმავალი ტაძრისაკენ. სწორედ ეს მწერლობა უწევდა ავტაცია-პროპაგანდას ქრისტიანობის გავრცელებას, ხოლო შემდეგ მის გამყარება-განმტკიცებას ქართველ ხალხში. რადგანაც ეკლესიის წარმომადგენლები, მწერლები ამ ერთადერთი იდეით იყვნენ განმსჭვალული, რა თქმა უნდა, მათ თავიანთ ნაკალმარშიც ასახეს ეს პრობლემა, რამეთუ ლიტერატურა ცხოვრების სარკეა და „მხოლოდ მის სახეს გვიჩვენებს, რასაც შიგ ჩაუხედა“ (აკაკი).

როგორც ვიცით, აგიოგრაფია სასულიერო მწერლობის ის უანრია, რომელშიც აღწერილია ქრისტიანული სარწმუნოებისათვის თავდადებულ პირთა მარტვილობა. აგიოგრაფის მწერალს ნაწინააღმდეგე ოცნებად ჰქონდა გადაქცეული, გერგილიანად წარმოეჩინა ქრისტიანობისათვის თავდადებული ხალხის ძიება. მის მიერ განვლილი გზა „სახედ და ხატად“ დაეგდო ამ რელიგიის მიმდევართათვის, ე.ი. ქართველი მორწმუნეებისათვის დაეხატა ნიშნები, ხატი, მსგავსი იესო ქრისტესი.

ახლა უპირაინა, ჩვენთვის საყურადღებო ასპექტით მიმოვიხილოთ აგიოგრაფია, ზოგადად, შევადაროთ იგი ბიბლიურ ნივნებს.

„აგიოგრაფიაში განსაკუთრებული მნიშვნელობა ენიჭება სიმბოლოს და ეს იმიტომ, რომ სიმბოლო „სოფლისა“ და „ზეს-თასოვლის“ შემაერთებელია. ეს კი აგიოგრაფიის მიზანთა მიზანია. ყველაფერი სიმბოლოდ: ყოველი სიტყვა, ყოველი ფრაზა, ყველა პერსონაჟი და მთელი ნაწარმოები“ (რ. სირაძე, ქართული მწერლობის პირველი ტომის ბოლოსიტყვა, გვ. 690). ჩვენც სწორედ ეს გვინტერესებს. განა „სახარებაშიც“ ასე არ არის? განა ქრისტეც, ჩვენი მაცხოვარი, სიმბოლოდ, იგავეებით არ ესაუბრება თავის მონაფეებს; „ამას ყოველსა ეტყოდა იესუ იგავითა მას და თვინიერ იგავისა და არარას ეტყოდა მათ“ (მათე 13, 35).

პროფესორი რევაზ სირაძე აღნიშნავს: „შუასაუკუნეობრივმა მწერლობამ ერთი პრინციპი დაამკვიდრა: ადამიანი მხოლოდ და მხოლოდ სულიერი ბუნებით უნდა ფასობდეს, მიუხედავად გარეგნული ბუნებისაო. ამიტომ აგიოგრაფიის პერსონაჟთა სიღამაზის ძებნა არაა მართებული. ზოგჯერ ჩვენს აგიოგრაფიულ თხზულებებში გამოხატულია შემთხვევითი გვეხვდება, მაგალითად, „გრიგოლ ხანძთელის ცხოვრებაში“ ანდა „იოანესა და ექვთიმეს ცხოვრებაში“, როცა აღიწერება გრიგოლისა და ექვთიმეს გარეგნული მიმზიდველობა, მაგრამ უმეტესწინაადად სერთი ნესი მინც ნესად ირება“ (რ. სირაძე, ქართული მწერლობის პირველი ტომის ბოლოსიტყვა, გვ. 686). სწორედ ასეთივე სურათია „ოთხთავშიც“. ვერც ერთ თავში, ვერც ერთ ეპიზოდში, ჩვენ ვერ ვიპოვით ქრისტეს ფიზიკურ აღწერილობას, მისი იერ-სახის დახასიათებას.

თუ თვალს გადავავლებთ აგიოგრაფიულ ნაწარმოებებს, დავინახავთ, რომ ქმნილებების ყველა გმირი ისწრაფვის სულის სრულყოფის, მისი აღზევებისაკენ. ამისთვის ისინი გვემჩნე ხორცს, რამეთუ, „როცა ხორცი ქნება, სული ჰყვავის“. ახლა ვნახოთ, არის თუ არა ანალოგიური ვითარება „ევანგელეში“. რა თქმა უნდა, არის, თანაც ამისათვის იბრძვის საწყის და თავი ჭეშმარიტებისა თვით იესო ქრისტე. მან ხომ ძეხორციელის ცოდვები საკუთარ თავზე აიღო, არად ჩააგდო ხორციელი შეურაცხყოფა: გაშვილება, ჯვარცმა, ცემა და გვემა. ქრისტემ რწმენისათვის დათმენილ ტანჯვაში ამაღლებულობა დაინახა. ახლა განვიხილოთ ჩვენამდე მოღწეული პირველი აგიოგრაფიული ნაწარმოები „შუშანიკის ნამეზა“, რომელშიც ერთობ საინტერესოდ და კონკრეტულადაა ნაჩვენები ქრისტეს ბაძვის მომენტები და სიტუაციები. რა თქმა უნდა, შუშანიკი ცდილობდა, მიეზადა ღვთის ძისათვის, დამსგავსებდა მას, რის დამადასტურებელი მაგალითობითაც სავსეა თხზულება. მას ამგვარ საქციელში ნაწარმოების ავტორი იაკობ ხუცესიც ეხმარებოდა, ხოლო ზოგჯერ ცურტაველი თავისი გმირის ქცევას საგანგებოდაც მიამგავსებდა მაცხოვრის მოქმედებას. ყოვე-

ლივე ამას იაკობი იმიტომ აკეთებდა, რომ, როგორც პროფესორი გრიგორ ფარულავა ამბობს: „ქრისტეს ცხოვრების გზა ჭეშმარიტი ცხოვრების ხიდი და პარადიგმა მორწმუნისათვის“ (გრ. ფარულავა, ტანჯვის ქრისტოლოგიური გაგება და ეროვნული მწერლობა, ჟურნალი „ცისკარი“, 1992, №3, გვ. 110).

ახლა მოვიყვანოთ კონკრეტული მაგალითები ნაწარმოებიდან. თავდაპირველად ვნახოთ, არის თუ არა ქმნილებაში ზუსტად იმგვარივე სიტუაციები, როგორც „სახარებაში“.

როდესაც იესო ქრისტე პილატემ ხალხს გადასცა და ისიც ჯვარზე საცმელად წამოიყვანეს, ქრისტეს უკან ურიცხვი ხალხი მოსდევდა. ადამიანები ტიროდნენ და ღვთის ძეს იბრალებდნენ. ამ დროს მაცხოვარი მათკენ შებრუნდა და გაამხნევა, მოუწოდა, ეტირათ არა მისთვის, არამედ საკუთარი შვილებისა და თავიანთი თავისათვის. აი, ყოველივე როგორაა აღწერილი „ოთხთავში“: „და შეუდგა მას სიმრაველი ერისაი და დედები-საი, რომელნი ეტყებდეს და სტიროდეს მას. მიექცა მას იესუ და ეტყოდა: ასულრო იერუსალიმისანო, ნუ სტირთ ჩემ ზედა, არამედ თავთა თქუენთა სტიროდეთ და შვილთა თქუენთა“ (ლუკა 23, 27-28). ზუსტად იმავე სცენას ვხედავთ „შუშანიკის ნამეზაში“. როდესაც ვარდანის წამოიყვანეს „უხამური და თმაგარდატევებული“, ნაცემი და ნაგვემი, მასაც ხალხი გაჰყვა უკან, ისინიც ტიროდნენ, იბრალებდნენ საწყალ მარტვილს. მამიკონიანის ასულმა კი ამაყად გამოხედა მათ და უთხრა, რომ მათ საკუთარი თავი შეიბრალონ, რომ შუშანიკისათვის ნუ ტირიან, არამედ ლოცვით მოიხსენიონ ის. აი, თუ როგორაა ყოველივე ზემოთქმული მონათხრობი ეტყობა: „და მივიდოდა წმიდისა მის თანა ამბოხი მრავალი დედებისა და მამებისაი, სიმრაველი ურიცხვი, რამეთუ უკუანა შეუდგეს, ხმაი აღმადღლა და ტიროდეს და იხახდეს ღაწუთა მათთა და საწყალობელად დასთხვედეს ცრემლთა მათთა წმიდისა შუშანიკისთვის. ხოლო წმიდამან შუშანიკი უკომოხდა ერსა მას და პრქუა მათ: „ნუ სტირთ, ძმანო ჩემნო და დანო ჩემნო და შვილნო ჩემნო, არამედ ლოცვასა მომიხსენიეთ“ (ი. ცურტაველი, მარტვილობა შუშანიკისა, ილია აბულაძის გამოცემა, ტფ., 1978, გვ. 28).

როგორც დავინახეთ, სიტუაცია ზედმინევეთი იდენტურია. ნამდვილად ასე მოიქცა შუშანიკი დედოფალი თუ ავტოგრაფი მიაწერა და მოუგონა მას ამგვარი საქციელი, ეს უკვე ამჯერად არ გვინტერესებს, ყოველ შემთხვევაში, იაკობმა იგი „ქრისტეს-მიერ სიტუაციაში“ მოაქცია.

ახლა ვნახოთ მეორე ვითარება, კერძოდ ის მომენტი, როდესაც იესო ქრისტე გოლგოთაზე მიიყვანეს. სანამ ჯვარს აცვამდნენ, მოუტანეს ნაღველნარევი ღვინო. როცა ღვთის ძემ გემო გაუსინჯა, აღარ დალია, უარი თქვა: „და მისცეს მას ძმარი ნაღველითა შეზავებული და მი-რაი-ილო, არა უნდა სუშის“ (მათე 27, 34).

ყველასათვის კარგადაა ცნობილი „შუშანიკის ნამეზის“ ერთი ეპიზოდი, კერძოდ, პურის ჭამის სცენა. დედოფალმა ჭამის დროს გემო არაფერს გაუსინჯა, თუმცა კი დიდი ხნის უჭმელი იყო. მაშინ ჯოჯიკის მეუღლემ გადაწყვიტა, ცოტადღენი ღვინო მაინც ეგემებინა რძლისათვის. ამაზე შუშანიკი საშინლად „გა-ცა-წყნარა“, ჭიქაზე ხელი აუკრა და ღვინოც დაღვარა. „ხოლო ცოლმან ჯოჯიკისმან მართა ღვინო ჭიქითა და აიძულედა მას, რაითა მამცა იგი ხოლო შესუა. პრქუა მას წმიდამან შუშანიკი რისხვით: „ოდეს ყოფილ არს აქამომდე, თუმცა მამათა და დედათა ერთად ეჭამა პური?“ და განჰყარა ხელი და ჭიქაი იგი პირსა შეაღენა და ღვინო იგი დაითხია“ (მარტვილობა შუშანიკის, გვ. 19).

ყველაფერი დღესავით ნათელია. ვგონებ, არც განმარტებაა საჭირო. ამ ორ უმთავრეს სიტუაციას, მაგალითს, პირობითად ვუნოდოთ „ქრისტესმიერი სიტუაცია“. მაგრამ კვლავ უნდა აღვნიშნოთ, რომ ამ მაგალითებიდან გამოკვეთილად არ ჩანს, ნამდვილად აკეთებდა თუ არა ამას დედოფალი. იქნებ მას ამგვარი მოქმედება აზრადაც არ მოსვლიდა და ზემოთ მოთხრობილი მხოლოდ და მხოლოდ ავტორის ფანტაზიის ნაყოფი იყოს? იბადება კითხვა: შუშანიკი ბაძავს თუ არა შეგნებულად იესო ქრისტეს? ცდილობს მიემსგავსოს მას, იმეტყველოს მასავით? აი, პასუხიც: ვარდანისმა კარგად იცის ბიბლიური წიგნები და განსაკუთრებით კი „სახარება“. იცის ის ეპიზოდიც, როდესაც იესო ქრისტე თორმეტ მონაფეს სხვადასხვა რჩევა-დარიგებას აძლევს, მოძღვრავს მათ. ერთგან იგი ამბობს: რომელიმე ქალაქს თუ მიადექით, გამოიკითხეთ, „ვინ ღირს იყოს“. როცა მინ შეხვდით, მოიკითხეთ იქ მყოფნი და თქეთ: „მიმდებოდა სახლსა ამას“. შემდეგ დასძენს: „უკეთუ იყოს სახლი იგი ღირს, მოვედინ მშვიდობაი თქუენი მას ზედა; უკეთუ არა ღირს იყოს, მშვიდობაი თქუენი თქუნადვე მოიქეცინ“ (მათე 10, 13).

ყოველივე ამის შემდეგ გავისხენით ეპიზოდი „შუშანიკის ნამეზიდან“. როდესაც ვარსქენის მიერ გაგზავნილი კაცი დედოფალს მოკითხვას გადასცემს, მამიკონიანის ასული ბაძავს ქრისტეს, ახორციელებს მაცხოვრის რჩევას, გამოიძიებს ვითარებას და, ფაქტობრივად, ქრისტესმიერი სიტყვებით მეტყველებს: „უკეთუ სულითა ცხოველ არს იგი, ცოცხალმცა ხართ იგიცა და შენცა. უკეთუ სულითა მომკუდარ ხართ, მოკითხვაი ეკე შენი შენდავე მოიქეცინ“ (ი. ცურტაველი, მარტვილობა შუშანიკისა, ილია აბულაძის გამოცემა, ტფ., 1978, გვ. 5).

როგორც ჩანს, შუშანიკი დედოფალს ზედმინევეთი სცოდნია „ევანგელე“. განა ტყუილ-უბრალოდ დაატარებდა მას ყველგან? პიტიანის მეუღლემ კარგად უწყობდა ქრისტეს მონადება თუ გაფრთხილება; კარგად შეუგნია მას მაცხოვრის შემდეგი სიტყვები: „ყოველმან რომელმან აღმიაროს ჩემდამი წინაშე კაცთა, მეცა აღვიარო იგი წინაშე მამისა ჩემისა ზეცათათისა. და რომელმან უვარმყოს მე წინაშე კაცთა, უვარ-ყყო იგი მეცა წინაშე მამისა ჩემისა ზეცათათისა“ (მათე 10., 32-33).

როდესაც ვამაზდევანებულნი ვარსქენი ბრალს სდებს მეუღლეს სარეცლის შებლაღვასა და სახლის დაუკითხავად მიტოვებაში, შუშანიკი ასე იმართლებს თავს, იშველიებს რა ქრისტეს სიტყვებს: „შენ ღმერთი ჭეშმარიტი უვარ ჰყავ და ცეცხლსა



საუბრაბი ლიტერატურაზე

თავყანის ეც. და ვითარცა შენ შემოქმედი შენი უფარ ჰყავ, ეგრეცა მე შენ შეურაცხვენი (ი. ცურტაველი, მარტილობი შუშანიკისა, ილია აბულაძის გამოცემა, ტფ., 1978, გვ.13).

იესო ქრისტე ამბობს, რომ უმჯობესია, ღვთის სასუფეველში შეხვიდე ფეხმოკვეთილი, ხელმოკვეთილი ან თვალმოთხრილი, თუ რომელიმე მათგანი გაცდუნებს, ვიდრე სხეულის ეს ნაწილები მთელი გქონდეს, სულით კი ნარწყმედილი იყო. ამ შემთხვევაში ჯოჯოხეთში მოხვდები. „სადა-იგი მატლი მათი არა მოაკლდები და ცეცხლი არა დაშრებინ“. თითქმის ამასვე ეუბნება შუშანიკი მის გასამხნეველად მისულ იაკობს, რომელიც ფრიად შენუხდა, როცა მარტივლის წყლულებზე დამსხდარი მატლი იხილა: „ხუცეს, ნუ მიძიმე გინ ესე, რამეთუ მუნ იგი მატლი უდიდესი არს და არა მოკუდების“, შემდეგ კი მრისხანედ დასძინა: „ხუცეს, რად მნუხარ ხარ? ვიდრე უკუდავთა მათ მატლთა შექმანა, უმჯობესი იყავნ ამათ მოკუდავთა შექმნა აქევე ამას ცხორებასა“.

ზემოთ მოყვანილი მაგალითებიდან თვალნათლივ ჩანს, რომ შუშანიკი ქრისტეს ენით საუბრობს, ცდილობს, არა მარტო ქვევით ნაბაძოს მას, არამედ საუბრითაც. ყოველივე ამას კი პირობითად „ქრისტესმიერი მეტყველება“ ვუნდოთ.

„სახარების“ მთავარი გმირი იესო ქრისტე, მთელი მისი ხანმოკლე ცხოვრების მანძილზე, სხვათა ცოდვებს საკუთარ თავზე იღებდა, ეხმარებოდა სნეულებს, დავრდომილებს, კურნავდა ავადმყოფებს, აღადგენდა მკვდრებს. ამასვე მოუწოდებდა იგი თავის მოწაფეებს, მის მიმბაძველებს. როდესაც „მწყემსი კეთილი“ მოსწავლეებს მოძღვრავდა, ეუბნებოდა: „უძლურთა განსკურნებდით, მკუდართა ადგილებდით, კეთროვანთა განსწმედდით, ეშმაკთა განასხმედით; უსასყიდლოდ მიგიღებთ, უსასყიდლოდ მისცემდით“ (მათე 10, 8). რა თქმა უნდა, „სახარების“ კარგად მცოდნე შუშანიკ დედოფალმა ესეც კარგად უწყის, მას კარგად შეუგნია ამ სიტყვების არსი, იცის, რომ აუცილებელია რჩევის პრაქტიკულად განხორციელება, რომ სწორედ ამგვარი საქმიანობის შედეგად მოხვდება ქრისტიანი ცათა სასუფეველში. სწორედ ამიტომაც შესდგომია მარტივი ღვთის გზას. სატუსალოში მორწმუნე დედოფალთან მიდიოდნენ ცოდვების მისატყვევლად, განსაკურნად. წმინდა შუშანიკიც ვკურნავდა მათ. „და მიერიოვან განითქუა ყოველსა ქართლსა საქეში მისი. და მოვიდოდეს მამანი და დედანი აღნათქუა მეთა შესანიერად და, რაი ვის უხმდა, მიემადლებოდა წმიდითა ლოცვითა ნეტარისა შუშანიკისითა, რომელსაც მოსცემდა მას კაცთ-მოყუარე ღმერთი: უშვილოთა შვილი, სნეულთა კურნებანი, ბრძოთა თულათა აღხილვა“ (ი. ცურტაველი, მარტილობი შუშანიკისი, ი. აბულაძის გამოცემა, გვ. 33-34). ასევე, მორჩინა ნეტარმა შუშანიკმა ერთი სნეული მოგვი ქალი.

ერთ-ერთი პურის ჭამის დროს იესო ქრისტე ესაუბრებოდა მოწაფეებს, ჩვეულებრივად მოძღვრავდა მათ. მაცხოვარმა აიღო პური, აკურთხა და მისცა მათ, თან დასძინა, რომ ის მისი ხორცი იყო; შემდეგ ღვინო აკურთხა, რომელზედაც თქვა, რომ ის მისი სისხლია. შეჭამეს რა პური და შესვეს რა ღვინო, ისინი ეზიარნენ ქრისტეს ხორცსა და სისხლს, რითაც ნაწილობრივ გახდნენ იესოს შემადგენელი ნაწილები, ემსგავსნენ მას. „და ვითარცა ჭამდეს იგინი, მიიღო იესო პური, აკურთხა და განტეხა და მისცა მონაფეთა თვისთა და პრქუა მათ: მიიღეთ, ჭამეთ: ესე არს ხორცი ჩემი. და მიიღო სასუმელი და ჰმადლობდა, მისცა მათ და თქუა: სუთ ამისგანი ყოველთა: ესე არს სისხლი ჩემი ახალი აღთქუმისაი, მრავალათვის დათხეული მისატყვევლად ცოდვათა“ (მათე 26, 26-28).

შუშანიკ დედოფალი, როგორც ქრისტეს ერთ-ერთი მონაფეთაგანი და მიმდევარი, ეზიარა ქრისტეს ხორცსა და სისხლს. როდესაც ნაცემ ქალს ყბა და ზოგი კბილი „შთაფსრვილი“ ჰქონდა, იაკობმა ღვინოში დამბალი პური აგემა. „მაშინ მივიღე

მცირედ ღვინო და პური დავალბე და მცირედ გემოი იხილა“ (მარტილობი შუშანიკისი, გვ.23). შემდეგ კი კვირიაკე დღეს „ეზიარის ხორცსა და სისხლსა ქრისტის ღმრთისა ჩუენისა“ (იგივე, გვ.38).

იაკობ ხუცესი ამგავსებს თავის გმირს იესო ქრისტეს. დედოფლის სახეში, მის თითქმის ყოველ მოქმედებაში ხედავს ქრისტეს ნათელს, მის ხატს. ამიტომაცაა, ერთგან შუშანიკზე ამბობს: „ვითარ შემეყვანა მცველმან მან, და ვიხილე ტარიგი იგი ქრისტისი შუენიერად ვითარცა სძალი შემკული საკრველთა მათგან“ (იქვე, გვ.31). სწორედ ამგვარივე სიტუაციაა „სახარებაშიც“. იოანე ქრისტეს სახეში ხედავს თვით ღმერთს, მის გამომგზავნელს, მის მამას. „და მიხედა იესუს, ვიდრე რაი იგი და თქუა: აჰა ქრისტი, ტარიგი იგი ღმრთისაი“ (იოანე 1, 36). როგორც დავინახეთ, იაკობ ხუცესი შუშანიკს თვლის ქრისტეს ტარიგად, ხოლო იოანე ნათლისმცემელი კი ქრისტეს მიიჩნევს ღვთის ტარიგად.

ციხეში სიკვდილის პირას მყოფი ვარდანის ესაუბრებოდა ხალხს, ამცნობდა მას „სლვად გზათა ღმრთისათა“ და ეუბნებოდა, რომ ადამიანთა ცხოვრება, როგორც მინდვრის ყვავილი, დაუდგრომელია, ამიტომ მთელი სიცოცხლის მანძილზე ვინც რა დათესა, საბოლოოდ იმას მოიმკის, ვინც გლახაკთა და ღარიბთათვის გასცა, იგი შეკრებს, მიიღებს სანაცვლოს. შემდეგ დედოფალმა დასძინა: „და რომელმან წარწყმედოს თავი თვისი, მან პოოს იგი“ (მარტილობი შუშანიკისი, გვ.43). სწორედ ამგვარადვე არიგებს იესო ქრისტე თავის მოწაფეებს, ხალხს, როცა ამბობს: „რომელმან მოიპოვოს თავი თვისი, წარწყმედოს იგი; და რომელმან წარწყმედოს თავი თვისი ჩემთვის, მან პოოს იგი“ (მათე 10, 39).

სიკვდილის წინ, თავდადებული დედოფალი, თავის გამოსათხოვარ სიტყვებშიც იესო ქრისტეს იხსენიებდა, მადლობდა მას, ლოცავდა მისზე დარჩენილთა და საუკუნო სიცოცხლეს უსურვებდა მათ. „უკეთუ ღირს რაიმე ვარ უკანასკნელი ესე მეთათრთმეტე მოქმედი ვენახისაი, იყენით ყოველი კურთხეულ უკუნისამდე ჟამთა“ (ი. ცურტაველი, მარტილობი შუშანიკისი, გვ.44). საჭიროა აღინიშნოს ერთი ფაქტი: „მეთათრთმეტე მოქმედი ვენახისაი“ სწორედ ოთხთავიდან ამოღებული წინადადებაა. აი, როგორ არის ნათქვამი „ევანგელეში“: „ხოლო მეთათრთმეტესა ჟამსა განვიდა და პოვნა სხუანი მდგომარენი და პრქუა მათ: რაისა სდევით თქუენ აქა დღე ყოველ უქმად? ხოლო მათ პრქუეს მას: არავინ დამიდგნა ჩუენ. პრქუა მათ: წარვიდით თქუენცა ვენახსა ჩემსა“ (მათე 20, 6-7).

ამრიგად, როგორც დავინახეთ, ქრისტეს ბაძვის მაგალითებით უხვია იაკობ ხუცესის „შუშანიკის ნამება“. დედოფლის თითქმის ყოველი სიტყვა თუ ყოველი მოქმედება შეგვიძლია მივამსგავსოთ მაცხოვრის სიტყვასა და მოქმედებას. აღსანიშნავია, რომ ბაძვა, მიმსგავსება ხდება, ძირითადად, სამი ასპექტით: ეს არის „ქრისტესმიერი სიტუაცია“, ანუ იმგვარი მოქმედება ან მდგომარეობა, როგორც „სახარებაშიც“ დასტურდება; „ქრისტესმიერი მეტყველება“, ე.ი. იესოს მაგვარი საუბარი და, შესაძლებლად, სხვა იმგვარი საყურადღებო ფრაზებისა და სიტყვების მოხმარება „ნამებაში“, რომლებიც სახარებაშია.

საბოლოო დასკვნა ამგვარია: შუშანიკი, ავტორთან ერთად, ბაძავს იესო ქრისტეს, ემსგავსება მას. ვარდანის და იაკობი ამგვარი მოქმედებით სხვა მორწმუნეებს აჯერებენ შუშანიკის ქრისტესმიერობაში, ნიშნულს აძლევენ სხვა მორწმუნეებს, თუ როგორ უნდა გაიარონ პირველმონამის ნამებითა და დიდებით აღსავე გზა. ჩვენ ვიცით, რომ, გარდა ორი ქართული რედაქციისა, არსებობს ორი სომხური ტექსტი „შუშანიკის ნამებისა“. იბადება კითხვა: არის თუ არა სომხურ ვარიანტში დედოფლის იმგვარი ქვევები, მოქმედებები, მეტყველება, როგორც ქართულშია, რითაც იგი მაცხოვარს ბაძავს. პასუხი ამგვარია: „შუ-

შანიკის ნამების“ სომხურ ვარიანტში საერთოდ არ შეინიშნება ამგვარი ეპიზოდები. უფრო მეტიც, სომხური რედაქციის მიხედვით, შუშანიკი არც კი ფიქრობს, მიემსგავსოს იესო ქრისტეს, მას ნაბაძვის საგნად ღვთის ძე კი არ მიუწნევია, არამედ საკუთარი წინაპრები, სხვა მორწმუნე მამები, როგორებიცაა: წმინდა საპაკი, წმინდა რიფსიმე და სხვანი. ყოველივე ეს რომ ლიტონი სიტყვა არ გამოვიდეს, უზრიანია, ნათქვამის დასტურად მოვიშველიოთ მაგალითები სომხური რედაქციიდან. უწინარეს ყოვლისა, უნდა აღვნიშნოთ ის ფაქტი, რომ სომხური ტექსტით შუშანიკ დედოფალი კი არ ბაძავს ქრისტეს, კი არ მისდევს მის გზას, არამედ ზოგჯერ თითქოს ეკამათება კიდევ. მაგალითად, ერთგან მამიკონიანის ასული ამბობს: „რაისა, უფალო, დასდევ შორს და უგულვებელს ჰყავ მხეველი შენი ჟამსა ოდენ ჭირისასა და განწირვისა და ძვირისასა?“ (ი. ცურტაველი, მარტილობი შუშანიკისი, ი. აბულაძის გამოცემა, გვ. 11).

სხვაგან დედოფალი დასძენს, რომ იგი ებაძება თავის წინაპარ მამებს: „მიმსგავსებთა მამათა მათ ჩემთასა“ (იქვე, გვ.18). ბოლოს კი დახმარებას შესთხოვს არა ღმერთს, არამედ წმინდა რიფსიმეს. „და ან გესაე შენ, რომელმან წმიდაი ჰრიფსიმე იხსენ მძღაერებისაგან მეფისა მის და სირცხვილეულ ჰყავ გმირი იგი“ (იქვე, გვ. 18). „სახელი და სული დაიმიკვიდრე მსგავსად წმინდისა მის ჰრიფსიმისა“ (იქვე, გვ.30).

ის ფაქტი, რომ სომხური რედაქცია არ იცნობს ქრისტეს ბაძვის მკაფიოდ გამოხატულ ტენდენციას, ზოგიერთი დასკვნის გამოტანის საშუალებას იძლევა:

ა) ქართული ტექსტი ამ ელემენტის გამოხატვით უფრო ექსპრესიული და რელიგიურად მიზანსწრაფულია, რასაც ვერ ვიტყვით სომხურ ვარიანტზე. გლობალური შედარების ეს მაგალითი ქართულ ვარიანტს სძენს მაღალმხატვრულობას.

ბ) რაკილა სომხურ ტექსტში არ ჩანს ქრისტეს ბაძვა, შეიძლება ვიფიქროთ, რომ სომხებმა ქართული ტექსტი თარგმნეს ქართული და სომხური ეკლესიების განხეთქილების შემდეგ. საქმე ისაა, რომ სომხები გვერდს უვლიან ორბუნება ქრისტეს ბაძვის ელემენტს, რაკილა თვითონ მონოფიზიტები გახდნენ. სახარებაში მკვეთრად არის გამოხატული ქრისტეს დიოფიზიტური არსი, მისი კაცებრივი და ღვთაებრივი ბუნება. და მაშინ, როდესაც ქართველები მთელი გრძობით ლამობენ ქრისტეს ორბუნებრივ ქვევებსა და ხასიათს მიამსგავსონ შუშანიკის ქვევები და ხასიათი, სომეხი მონოფიზიტი ავტორები ამ მოვლენას ყრუდ უვლიან გვერდს.

გ) ცნობილია, რომ იესო ქრისტეს შესახებ, პირველმონამის ღვანლის თაობაზე, ოთხმა მახარებელმა შეთხზა ნაწარმოები. ამიტომაცაა, რომ სახარება გვაქვს ოთხ თავად, ოთხ დამოუკიდებელ ვარიანტად.

ამასთან დაკავშირებით შეიძლება გამოითქვას ერთი ჰიპოთეზა: იაკობის თხოულება ადრე თარგმნეს სომხებმა. ამ თარგმანის, აგრეთვე ქართული წყაროს მიხედვით, გააკეთეს მოკლე სომხური რედაქციაც. მაშასადამე, გარკვეულ დრომდე შუშანიკის ამბავი არსებობდა სამ თავად, სამ დამოუკიდებელ ტექსტად. ამის შემდეგ ქართველი ავტორი ცდილობს იმითაც ნაბაძოს სახარება-ოთხთავის ტექსტს, რომ შუშანიკის შესახებაც არსებობდეს ოთხი ტექსტობრივი ვარიანტი, ისე როგორც ეს პირველმონამის შესახებ გვაქვს. და აი, იქმნება ტექსტის მეოთხე ვარიანტი (მოკლე სომხური ვარიანტის ქართული თარგმანი). მაშასადამე, ქართველი ავტორები დაჟინებით ცდილობენ შუშანიკის ნამების აღწერისას ქრისტეს ბაძვის იდეის გატარებას.

ქართველი მკვლევარი დოქტორი, შპს საქართველოს სასწავლო ცენტრ ჯი-ელ-სის სკოლის ქართული ენისა და ლიტერატურის მასწავლებელი

სასკოლო აქტივობა

ოქროსფერი შემოდგომა

219-ე საჯარო სკოლაში (დირექტორი – შალვა ხუციშვილი) დიდიდღვე საზეიმო განწყობა სუფევდა. ფუსფუსებდა დიდი თუ პატარა, მასწავლებელი თუ მოსწავლე, ემზადებოდნენ და ხალისით რთავდნენ კლასებს, რათა მათი გამოსვლა უფრო შთაბეჭდავი ყოფილიყო.

უკვე ორი ათეული წელია, ტრადიციად იქცა ჩვენს სკოლაში შემოდგომის ღონისძიების აღნიშვნა. გამონაკლისი არც ეს წელი ყოფილა და დანყებითი კლასების მასწავლებლებმა, მოსწავლეებმა და მშობლებმა, I-V კლასის ჩათვლით, წარმოადგინეს საქართველოს სხვადასხვა კუთხე მათთვის დამახასიათებელი წეს-ჩვეულებითა და იუმორით.

I კლასის მასწავლებელმა ნანა ქაცანაშვილმა წარმოადგინა კახეთი, დევიზით „კახეთი, ჩემო კახეთი“; II კლასის მასწავლებელმა ნინო ტაკაშვილმა – „რაჭა ჩემი სიყვარული“; III კლასის მასწავლებელმა ნანა კუპრაშვილმა – „იმერეთი, ჩემო იმერეთი“; IV კლასის მასწავლებელმა მედეა ზურაბაშვილმა – „ჩვენ გვიყვარს აჭარა“; V კლასის მასწავლებელმა სალომე ნიკოლიშვილმა – „მე მიყვარს ქართლი“; V კლასის მასწავლებელმა ციცი ფიფაშვილმა – „სიცოცხლის სამოსახლოა ჩემი პატარა გურია“.

მოსწავლეებმა ხალისითა და დიდი მონდომებით შეასრულეს ნომრები: სადღეგრძელო, სიმღერა, ცეკვა, ლექსი და სკეტჩი, ეცვათ კუთხისათვის დამახასიათებელი ტრადიციული ფორმები, რაც უფრო ლამაზს და საინტერესოს ხდიდა ღონისძიებას „ოქროსფერი შემოდგომა“.

ქართული ენისა და ლიტერატურის კათედრა



უფლის სიყვარული გადაგვარჩენს

28 ნოემბერს, სამების ტაძრის საგამოფენო დარბაზში, ჩატარდა შემოქმედებითი საღამო ეგიდით „უფლის სიყვარული გადაგვარჩენს“, რომელიც პოეტ გენო კალანდიას პატრიარქისადმი მიძღვნილი გულში ჩამწვდომი წერილით დაიწყო. საღამომოში, რომელიც მიეძღვნა სრულიად საქართველოს კათოლიკოს პატრიარქის, ცხუმ-აფხაზეთის მიტროპოლიტის, უწმინდესისა და უნეტარესის ილია მეორის დაბადებიდან 84-ე და აღსაყდრებიდან მე-40 წლისთავს, მონაწილეობდნენ: აფხაზეთის ხელოვნების სხვადასხვა სფეროს მუშაკები, აფხაზეთის მთავრობისა და უმაღლესი საბჭოს წარმომადგენლები, აფხაზეთის ახალგაზრდობის შემოქმედებითი კავშირის წევრები, სტუდენტები, მოსწავლეები, აფხაზეთიდან დევნილი ინტელიგენცია.

ლონისძიებზე წარმოდგენილ იქნა ლიტერატურული კომპოზიცია „საგალობლები უფლისადმი“. უწმინდესისადმი მიძღვნილი ქართველი პოეტების ლექსები წაიკითხეს: **მარიამ დემურიაშვილი, სანდრო ბასარიანი, ია, გიორგი და ელენე შელიაშვილი** – აფხაზეთის №3 საჯარო სკოლის მოსწავლეებმა; მოეწყო აფხაზეთიდან დევნილი ახალგაზრდა მხატვრის, **მადლენა ბარაბაძის** ნამუშევრების პირველი, პერსონალური გამოფენა ექსპოზიციაზე წარმოდგენილი იქნა 100-ზე მეტი ნამუშევარი



სხვადასხვა ჟანრში – პეიზაჟები, პორტრეტები, ნატურმორტები, ჩანახატები, რელიგიურ თემაზე შექმნილი ნახატები. ძველი თბილისისა და მისი მშობლიური კუთხის – აფხაზეთის თემაზე შექმნილი ფერწერული ტილოები.

ლონისძიების მონაწილეები დალოცეს და უწმინდესსა და უნეტარესს ილია მეორეს იუბილე მიულოცეს: **მანგლისის მიტროპოლიტმა ანანია ჯაფარიძემ და წალკის ეპისკოპოსმა გრიგოლ კაციამ**; უწმინდესის ღვანლსა და დამსახურებაზე ისაუბრეს აფხაზეთის უმაღლესი საბჭოს თავმჯდომარემ, **გია გვაზავამ** და აფხაზეთის განათლებისა და კულტურის მინისტრის მოადგილემ, **ზესიკ ოდიშარიამ**, აფხაზეთის განათლებისა და კულტურის სამინისტროს წარმომადგენლებმა.

პროექტის მონაწილეებს მიესალმნენ და ქალბატონ მადლენა ბარაბაძის ექსპოზიცია პროფესიონალის თვალთ შეაფასეს საქართველოს მხატვართა კავშირის თავმჯდომარემ, **გურამ ცერცვაძემ** და აფხაზეთის მხატვართა კავშირის თავმჯდომარემ, **დათო ბაძალუამ**, აფხაზეთის შემოქმედებითი კავშირის „ახალგაზრდობა, მშვიდობა და განვითარება“ საკოორდინაციო საბჭოს წევრმა **გიორგი სარჯველაძემ** და სხვა კომპეტენტურმა პირებმა. თავად მხატვარმა კი ამომწურავად უპასუხა პატარა ხელოვანის, მარიამ დემურიას მიერ დასმულ შეკითხვებს.

პროექტის მონაწილე ჩოხოსან რაინდა ანსამბლის „შავლეგოს“ წევრებმა შეასრულეს პატრიარქის მიერ დანერგილი საგალობლები; აფხაზეთი და ქართული ხალხური სიმღერები. აფხაზეთი რომ საქართველოს განუყოფელი ნაწილია, ეს ჩვენი ქვეყნის ისტორიულმა წარსულმა მრავალჯერ დაგვანახა. ასე იყო საუკუნეების მანძილზე და ასე იქნება მომავალშიც. უფლის ნებით და უწმინდესისა და უნეტარესის ლოცვა-კურთხევით ჩვენ აუცილებლად დაგბრუნდებით ჩვენს ძირძველ მიწა-წყალზე.

ამ იმედთან ნოტაზე დასრულდა აფხაზეთის განათლებისა და კულტურის სამინისტროს სახელოვნებო განყოფილების და აფხაზეთის ახალგაზრდობის შემოქმედებითი კავშირის „ახალგაზრდობა, მშვიდობა და განვითარება“ ორგანიზებით, აფხაზეთის მთავრობისა და უმაღლესი საბჭოს მხარდაჭერითა და ხელშეწყობით განხორციელებული თბილისი და საინტერესო შემოქმედებითი საღამო, რომლის მასპინძელიც იყო საქართველოსთან არსებული ახალგაზრდობის სულიერი და ინტელექტუალური განვითარების ცენტრი.

ნონა ბარაბაძე
აფხაზეთის განათლებისა და კულტურის სამინისტროს უფროსი სპეციალისტი, პროექტის ავტორი



ახალი აგზა

გამყოფი ხაზის მიმდებარე სოფლებში მსხოვრები სტუდენტები დაფინანსდებიან

მთავრობის სხდომაზე ოკუპირებულ ტერიტორიებთან გამყოფი ხაზის მიმდებარე სოფლებში დაზარალებულ სტუდენტთა დაფინანსების საკითხი განიხილეს. გადაწყდა, რომ განათლებისა და მეცნიერების სამინისტრო სტუდენტების, 2017-2018 სასწავლო წლის, სწავლებას დააფინანსებს.

საქართველოს განათლებისა და მეცნიერების მინისტრის, **მიხეილ ჩხენკელის** განმარტებით, სახელმწიფოს მიზანია სტუდენტთა ხელშეწყობა და ფინანსური მხარდაჭერა როგორც საქართველოში სწავლის, ასევე საზღვარგარეთ გაცვლით პროგრამებში მონაწილეობისთვის.

მიზნობრივ ჯგუფს წარმოადგენენ სტუდენტები, რომელთა ოჯახებმაც, რუსეთის საოკუპაციო ძალების მიერ საქართველოს ოკუპირებულ ტერიტორიებთან გამყოფი ხაზის გადმოწევის, მავთულხლართების გავ-

ლებისა და სხვა ბარიერების აღმართვის შედეგად, ქონებრივი ზიანი მიიღეს და რომლებიც **ბაკალავრიატის დიპლომირებული მედიკოსის/სტომატოლოგის ან მაგისტრატურის აკრედიტებულ უმაღლეს საგანმანათლებლო პროგრამებზე** სწავლობენ.

- 2013 წელს, სამინისტროს მიერ 471 სტუდენტი დაფინანსდა;
- 2014 წელს – 586;
- 2015 წელს – 736;
- 2016 წელს – 905;
- 2017-18 სასწავლო წელს განათლებისა და მეცნიერების სამინისტრო 1000-ზე მეტ სტუდენტს დააფინანსებს.



სპორტი

ახალი ოლიმპიადა უკვე გარდა

„სასკოლო სპორტული ოლიმპიადა-2017“ ეს-ესაა დამთავრდა, თუმცა უკვე სტარტი აიღო 2018 წლის გათამაშებამ – ათიოდე დღის წინ გახსნის საზეიმო ცერემონილიც გაიმართა დიღომში მდებარე ოლიმპიურ პარკში. ეს ღონისძიება ჯერ მხოლოდ 4 წელიწადს ითვლის და იქნებ ბევრი რაღაცის უკეთ გაკეთებაც შეიძლება, მაგრამ ფაქტია, რომ სკოლების დონეზე, ყველაზე მასშტაბური სპორტული ღონისძიებაა, რომელიც ყოველწლიურად ზრდის მასშტაბებს, შედეგად კი მონაწილეთა რაოდენობაც იზრდება – როგორც სკოლების, ასევე მოსწავლეების. მატების ტემპი ახალ ოლიმპიადაზეც იქნება: ამჯერად, მასში ქვეყნის 1700 საჯარო თუ კერძო სკოლის 100 000-ზე მეტი მოსწავლე ჩაებნება.

სასკოლო სპორტული ოლიმპიადის სასკოლო სპორტის ფედერაცია ატარებს, სხვადასხვა უწყებების მხარდაჭერით. მათ შორის ერთ-ერთი უმთავრესი სპორტისა და ახალგაზრდობის სამინისტროა და, იმედია, ამ უწყების კულტურის სამინისტროსთან გაერთიანების შემდეგ, მას ყურადღება არ მოაკლდება.

დამაიმედებელი ფაქტია ისიც, რომ ახალი გათამაშების გენერალური სპონსორი VTB ბანკი გახდა. აქვე გეტყვით, რომ გაისად ოლიმპიადის ფინალური ეტაპი, ამ ღონისძიების ისტორიაში პირველად, თბილისში გაიმართება.

სასკოლო ოლიმპიადა ამჯერად იმავე ფორმატით ჩატარდება: ჯერ გაიმართება მუნიციპალური შეჯიბრებები, მისი გამარჯვებულები რეგიონულ შეჯიბრებებში გამოვლენ, იქ საუკეთესოები კი დასავლეთისა და აღმოსავლეთის ზონალურ პირველობებში იასპარეზებენ და გამოავლენენ გამარჯვებულებს. აი, სწორედ ისინი ითამაშებენ ფინალურ ეტაპში, ქვეყნის აბსოლუტური ჩემპიონისა და სპორტის კონკრეტულ სახეობაში მსოფლიოს სასკოლო ჩემპიონატის მონაწილის გამოსავლენად.

ერთ-ერთი ასეთი მუნიციპალიტეტი მარნეულია, სადაც ჩატარდა შიდასარაიონო შეჯიბრებები. ფინალურ ეტაპს სპორტის ხუთ სახეობაში – კალათბურთში, ფრენბურთში, ფეხბურთში, მაგიდის ჩოგბურთსა და გეზრბურთში სოფელ დიოკნისის საჯარო სკოლამ



უმასპინძლა. ფეხბურთში თამარისის საჯარო სკოლის გუნდმა გაიმარჯვა; კალათბურთში გოგონებში პირველობა არავის დაუთმო მარნეულის მე-6, ხოლო ბიჭებში – მე-5 სკოლამ. ფრენბურთულ ბიჭებში – საიმერლოს, ხოლო გოგონებში წერეთლის საჯარო სკოლებმა გაიმარჯვეს; გეზრბურთში, ბიჭებშიც და გოგონებშიც, ყველაზე ყოჩაღი თამარისის სკოლა აღმოჩნდა, ხოლო მაგიდის ჩოგბურთში მას-

პინძელმა – დიოკნისის სკოლამ იპირველა. ამ გუნდებმა ქვემო ქართლის რეგიონულ ეტაპზე ასპარეზობის უფლება მოიპოვეს.

ხოშიც დამთავრდა მუნიციპალური პირველობა, ოღონდ იქ – მხოლოდ მინი-ფეხბურთში. ფინალურ პაექრობაში ხობის პირველი საჯარო სკოლის გუნდმა მე-2 სკოლას მოუგო და ჩემპიონიც გახდა, მესამეზე კი შუა ხორგას საჯარო სკოლა გავიდა.

14-წლამდელთა დიდი შანსი

ლატვიის ქალაქ ვალმეირასში მიმდინარეობს ევროპის ლიგის პირველი წრის შეხვედრები 14-წლამდელ კალათბურთელთა შორის, რომელშიც წარმატებით გამოდის საქართველოს ნაკრები. მათ მშვენიერი სტარტი აიღეს და, თავდაპირველად, ორი შეხვედრა მოიგეს: ჯერ მასპინძელი „იუგლა“ 75:39 გაანადგურეს, მერე კი პოლონურ „პომერანიას“ 44:34 სძლიეს. ნოდარ ქორქიასა და ირაკლი მაისურაძის განვრთნილებმა მხოლოდ ამის შემდეგ დათმეს მასპინძელთა გუნდთან 48:72, მაგრამ მერე ლიტვურ „პლუნგეს“ 64:54 აჯობეს და მეოთხე პაექრობაც წარმატებით დაასრულეს ლატვიურ „სპარსთან“, რომელიც 80:37 გაანადგურეს. ჩვენები გათამაშების ლიდერთა შორის არიან, მომდევნო ტურის შეხვედრებს კი, 25-28 იანვარს, მინსკში ჩაატარებენ.

ჩვენი ნაკრები პერსპექტიული მოზარდებითაა დაკომპლექტებული, თუმცა მათგან ბევრი პირველად თამაშობდა უცხოეთში. ასეთი ტურნირები მათთვის დიდი სკოლაა.



ამერიკულ ანაპაიმში მიმდინარეობს ძალოსანთა მსოფლიო ჩემპიონატი უფროსებში, სადაც უდიდეს წარმატებას მიაღწია ჩვენი ნაკრების ერთადერთმა ქალმა, 21 წლის ანასტასია გოტფრიდმა – 90 კილოგრამში მსოფლიო ჩემპიონი გახდა. ქართულ ძალოსნობას მედლები და წარმატებები ნამდვილად არ აკლია, მსოფლიო ჩემპიონებიც გვეყოლია და მით უფრო, ოლიმპიურებიც, მაგრამ ეს ყველაფერი ვაჟებში ხდებოდა, ქალებში კი ამ რანგის ტურნირზე მედალოსანი პირველად გვყავს. ამდენად, ანასტასია გოტფრიდმა ისტორიული მედალი მოგვითქვანა.

ის ნატურალიზებული სპორტსმენია – რიო დე ჟანეიროს ოლიმპიადის წინ უკრაინიდან გადმოიბირეს, როგორც პერსპექტიული სპორტსმენი. მაშინ ასაკითაც პატარა იყო, თუმცა, სწრაფად პროგრესირებდა და ასაკობრივ ნაკრებებში დიდ წარმატებებსაც მიაღწია, არც ერთი ტიტული არ დარჩა მოუპოვებელი. უკვე გადავიდა უფროსებში და პირველი დიდი შედეგიც მოგვითქვანა, თუმცა ამაზე რომ არ გარჩერდება, ცხადზე უცხადესია.

ანაპაიმში გოტფრიდმა, ორჭიდის გარდა, ცალკეულ სახეობებშიც მოიპოვა მედლები. პირველ მოძრაობაში 120-კილოგრამიანი შტანგა აიტაცა და პირველი ოქრო აქ მოიპოვა, აკერაში კი 145 კილო დააფიქსირა, რაც მეორე შედეგისა და ვერცხლის მომტანი აღმოჩნდა. საბოლოოდ, ჩვენებურმა ორჭიდში 265 კილოგრამი დააგროვა და 10 კილოგრამით გაუსწრო მეორეზე გასულ ჩილეელ მარია ვალდესს, მესამეზე დომინიკანელი კრისმერი სანტანა გავიდა 254-ით.

აქვე შეგახსენებთ, რომ ანაპაიმში შოთა მიშველიძემ ბრინ-



ჯაოს მედალი მოიპოვა, 6 დეკემბერს კი ფიცარნაგზე ჩვენი გუნდის მთავარი იმედი, ევროპის, ოლიმპიური და მსოფლიო ჩემპიონი ლაშა ტალახაძე გავა.

მოგება მეზობლებთან

მომავალი საპასუხიმგებლო სტარტებისთვის ემზადებიან საქართველოს ასაკობრივი გუნდები, მათ შორის, 15 და 16-წლამდე ფეხბურთელები, რომლებმაც ამ დღეებში ოთხი შეხვედრა (2-2 მატჩი) გამართეს სომეხ თანატოლებთან და აქედან სამი მოიგეს.

15-წლამდელთა ორივე პაექრობაში იყოჩაღეს და ჯერ 3:0, მერე კი 1:0 მოიგეს. პირველ შეხვედრაში 16-წლამდელთა 1:0 იმარჯვეს, მაგრამ მეორე ასეთივე ანგარიშით წააგეს.

მიღწეული წარმატების შემდეგ, 15-წლამდელთა, ამ დღეებში, თბილისში, მორიგ საერთაშორისო ტურნირს მასპინძლობენ, რომელშიც ჩვენებთან ერთად თურქეთის, ლიტვისა და ბელარუსის გუნდებიც მონაწილეობენ.

მათგან განსხვავებით, უცხოეთში ემზადება ჩვენი 18-წლამდელთა ნაკრები, რომელიც მინსკშია წასული და იქ ადგილობრივ თანატოლებთან ორ პაექრობას გამართავს. უფრო სწორად, ერთი უკვე ჩაატარეს და ფრესაც გამორჩენ – 0:0, მეორეს კი ამ დღეებში ითამაშებენ.

რუბრიკას უძღვება ირაკლი თაყვაძე

ისტორია გოტფრიდმა დაგვიწერა



სამაგიდე თამაშების მრავალფეროვანი კატეგორიები I-VI კლასებისათვის

წესებიანი, სამაგიდე თამაშების მრავალი ანოტირებული გამოცემა წარმოადგენს, ხელი შეუწყობს მოსწავლეების სოციალური და საზოგადოებრივი უნარების განვითარებას. ამ თამაშების დროს თამაში ჩართულ მოსწავლეს უწევთ: ანალიზი, მსჯელობა, კატეგორიზაცია/დახარისხება, დაგეგმვა/ორგანიზება, გადაწყვეტა, შედარება, შეფასება/კრიტიკა, რეფლექსია, შექმნა, გამოგონება, აღმოჩენა, თანამშრომლობა, წარმოდგენა/ვარაუდობა, წინასწარი შეფასება/წინასწარმეტყველება, წარდგენა/პრეზენტაცია, გამოყენება, გაკეთება, პრაქტიკული გადმოცემა, განხილვა/შეფასება. თამაშები ეროვნული სასწავლო გეგმის საგნობრივი პროგრამების და გამოყვანილი კომპეტენციების შესაბამისად არის შექმნილი.



- რომელი საათია - 8 ლარი** (თამაშობენ იდენტიფიკაციის და წყვილებში);
- მხიარული ფრაგმენტების ლოგიკა - 8 ლარი** (თამაშობენ იდენტიფიკაციის და წყვილებში);
- ჩრდილები - 8 ლარი** (თამაშობენ იდენტიფიკაციის და წყვილებში);
- მოსატყუარ სხოველების ანგარიში - 8 ლარი** (თამაშობენ იდენტიფიკაციის და წყვილებში);
- სხვადასხვა სიტყვების - 8 ლარი** (ჯგუფური თამაში);
- შეგრძნებები - 8 ლარი** (თამაშობენ იდენტიფიკაციის და წყვილებში);
- მხიარული სინარქვილა - 8 ლარი** (თამაშობენ იდენტიფიკაციის და წყვილებში);
- მხიარული წილადები - 8 ლარი** (თამაშობენ იდენტიფიკაციის და წყვილებში);
- დავეხმაროთ რისხვებს - 8 ლარი** (თამაშობენ იდენტიფიკაციის და წყვილებში);
- ვითვლი: 10-მდე, 20-მდე, 100-მდე - 8 ლარი** (თამაშობენ იდენტიფიკაციის და წყვილებში);
- გავხსნათ მთელი სტუმრები - 23 ლარი** (ჯგუფური თამაში, გათვლილია მთელ კლასზე);
- ფარული მოხიარვა - 8 ლარი** (თამაშობენ იდენტიფიკაციის და წყვილებში).

სასწავლო პროგრამები
ნიმუში მოხაზული ნიმუში დაეხმარება მასწავლებელს, გაეცნოს სხვადასხვა საგნობრივ მეთოდს სასწავლო პროგრამებში. უსწავლით პროგრამის სტრუქტურა და განვიხილავთ რეკომენდაციებს, როგორ უნდა შევიქმნათ თითოეული სტრუქტურული ერთეული. მასწავლებელს გაეცნობა მასწავლო პროგრამის ამ თუ იმ საგნებს.

პროფესიული უნარები
დაეხმარება სასწავლო პროგრამის განხორციელებისას უნდა საგნის მასწავლებლისთვის

11 ლარი

ქართული I-VI კლასები
ნიმუში შექმნილია მასწავლებლის პროფესიული სტანდარტის შესაბამისად და დაეხმარება I-VI კლასების მასწავლებლებს, წარმოადგინონ მათთვის სასწავლო პროგრამის გამოცემა.

მასწავლებლის სამუშაო რეკვიზიტი
4 ლარი

ინოვაციური გაკეთილები დაწყებით კლასებში
6.50 ლარი

ინტერაქტიული მეთოდების კრებული
6 ლარი

ქართული ენის პროგრამული
6 ლარი

მასწავლებლის კალენდარი 2017
5.50 ლარი

სწავლის დაწყების კვალი
14 ლარი

ნაწილი და მომონი ანგარიშები

საერთაშორისო I-VI კლასების მოსწავლეებისათვის, „კითხვის საათის“ სპეციალური გათვალისწინებით.



საერთაშორისო ფასი - 32.40 ლ

ქართული ენის კრებული

ეროვნული სასწავლო გეგმით გათვალისწინებული გრამატიკის თეორიული კურსი და სავარჯიშოები.



საერთაშორისო ფასი 17.70 ლ

მოქალაქეობითი საბუნებისმეტყველების გამოცდებისთვის

კრებულში შესულია პროგრამით გათვალისწინებული თეორიული მასალა და ტესტები. გადასახვევი ფენის ქვეშ მოთავსებულია უნიკალური კოდი. ეს კოდი შეიცვანთ სპეციალურ აპლიკაციის გამოყენებით, რომელიც განთავსებულია გამოცდების ოფიციალურ ვებ-გვერდზე fb.com/bakursulakauripublishing ერთი კოდის გამოყენება შეუძლია მხოლოდ ერთ მომხმარებელს. ელექტრონული ტესტები შეიქმნა ჩაბარების როგორც თემების მიხედვით, ასევე შერეულად.

თითო კრებულის ფასი - 10.90 ლ

ტირანი დროებით ამოწმებულია

განახლებული გამოცემა

თამაშ ვასაქი კომენტარული ტექსტი და ანალიტიკური გზამკვლევი 12 ლარი

ფიზიკა საატესტატო გამოცდისთვის ქ. ტატიშვილი, ზ. ბერაძე 10 ლარი

ქართული ენის გრამატიკა სინტაქსი (სასკოლო კურსი) ნ. შარაშენიძე 10 ლარი

ქართული ენის გრამატიკა მორფოლოგია (სასკოლო კურსი) ნ. შარაშენიძე 10 ლარი

ბიოლოგია (II ნაწილი) ეროვნული გამოცდებისთვის ლ. ბურღიანი, ნ. სინარქვილა, ქ. მალაქაძე, დ. ნაჩირაშვილი 10 ლარი

ისტორია 9 ლარი

თამარ ბეროზაშვილი ქართული ენის სასკოლო განმარტებითი ლექსიკონი (ორტომეული) 10 ლარი

თამარ ვასაქი ქართული აგროგრაფიული პროზა ლიტერატურის შემსწავლელთათვის 4 ლარი

ნიმუში I-VIII სასკოლების მეთოდობა 12 ლარი

ნიმუში IX სასკოლის მეთოდობა 10 ლარი

ნიმუში X-XII სასკოლის მეთოდობა 10 ლარი

თითო ტომის ფასი - 13 ლარი

ხელმოწერის თანხა გადმოირისხეთ რეკვიზიტებზე:
მიმღები - შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22
შეამინს მსურველები დაგვიკავშირდით: 555 411 668, 599 88 00 73, 032 295 80 23

ახალი განათლება
მთავარი რედაქტორი: მარიკა ჩიქოვანი

მისამართი: თბილისი, აკ. წერეთლის გამზ. №126, სართული II, ოთახი №14
ტელ.: 032 295 80 23, 599 880073
www.axaligantleba.ge axaligantleba@gmail.com
რედაქციის საბანკო რეკვიზიტები: შპს „ახალი განათლება“ ს/კ 202058735
ა/ა GE93LB0113314052305000, ს.ს. „საქართველოს ბანკი“ ბ/კ BAGAGE22,
რედაქციის შემოსული ხელნაწერები არ რეცენზირდება და ავტორებს არ უბრუნდება.

ISSN 2233-386X
9 772233 386008 >